

民國肇縣志

鞏縣志卷十八

劉蓮青

邑人

纂輯

張仲友

邑人劉鎮華鑒定

邑人劉鎮海參閱

固始萬自逸讐校

金石三

宋太平崗石碑

佚

太平興國二年帝入永安駐驛洛口賜西山曰太平崗
新進士及第呂蒙正奉勅書石隸書也雍正四年石猶
存後河南徙沒於水

己酉志

鞏縣志卷十八

金石三

一

經川圖書館刊

宋楚王故夫人馮氏墓誌

至道三年正月舒雅撰裴瑀行書并篆額石舊存縣南三十

五里芝田鎮

南霽霰今佚

石高二尺三寸五分廣二尺三寸三十行行三十二字撰書銜名不等

大宋楚王故夫人馮氏墓誌銘

并序

朝散大夫行尚書屯田員外郎充秘閣校理同編修
上柱國臣舒雅奉勅撰

翰林待詔將仕郎守太僕寺丞兼御書院祇候賜緋
魚袋臣裴瑀奉勅書并篆額

夫人魏人也其先畢萬支孫以受封為氏在鄭則大夫能
斷居秦則丞相有功漢庭以良媛垂名魏室以中宮播美

高才淑德世有其名贈大子少傅諱萼 夫人之曾王父也留侯多疾名高四皓之前衛王贈太師諱暉 夫人之王父也韓信登壇位在諸侯之上定國軍節度使開府儀同三司檢校太師贈中書令諱繼業 夫人之考也敦詩閱禮在軍旅以從容緩帶輕裘鎮楚疆而暇豫休聲茂績國史存焉 夫人卽中令之幼女也若乃三世公侯百年惠愛積此多慶生茲令人故其年在孩提則心懷柔順禮從傅姆則性益賢明女儀過目以皆通壺德經心而曲妙習蘋蘩之事所以俸祭祀之恭効締綌之工所以備衣巾之用加以孝承父母仁接姻親有邦媛之形容得家人之

繫象風生蘭畹方散於國香日麗薜華遽迎於天澤
皇子楚王上庠齒胄大國疏封詔行百兩之儀時叶三星
之吉由是增華象服錫寵魚軒六衣承綸闕之章雜佩應
珩璜之節寢門朝赴先助於 問安便坐日嚴恭行其沃
盥方期善應詎謂災纏而 王四體不康十旬無愈莫悟
桷地之影空驚牀蟻之聲 夫人義切所天情重扶侍晨
曦未上則藥必先嘗夕漏已分則衣寧解帶固勤勞之日
久遂傷感以疾生以至道二年四月二十七日薨于王邸
享年三十有二女尚幼以明年正月二十日 勅葬
于河南府鞏縣之南原禮也 夫人稟訓侯門作嬪王

室能行婦道多識壺儀宜其天與遐齡神資百祿今茲不
淑命也云何 皇帝悼及宮闈 恩施泉壤 爰舉飾終
之典 俾從護葬之期貴臣承命以開攢郎吏抽毫而紀
石庶使陵遷谷變不遺金玉之音暑往寒來永播芝蘭之
德銘曰

公侯之家積仁累德天鑒匪遐是生嬪則白玉溫容青春
麗色窈窕之述休聲何極賢王齒冑明詔定婚脂車百兩
備物盈門亦旣奠雁一御其輶 皇恩錫壤正位乘軒乃
願王躬方申內輔如何玉體忽焉沈痼桑扁無功著龜乏
據扶侍生勞翻成夢豎賢明莫展善慶何成霜摧蕙質火

烈瓊英散悲涼於外戚增惻愴於皇情 詔中貴而護葬
飾盛禮於佳城樹蒼蒼而暮色雲黯黯以風行唯徽音之
不泯將地久而天平

宮苑使內侍省入內侍都知同勾當皇城翰林司
金紫光祿大夫檢校司空兼御史大夫上柱國隴西
郡開國侯食邑一千戶李神福

御書院潘進鐫字

楚王元佐太宗長子雍熙二年坐縱火焚宮廢真宗卽
位始復封夫人以至道二年薨時元佐未復封誌稱楚
王故夫人馮氏奉勅所撰必勅所許夫人祖暉兩五代

史有傳父繼業東都事略宋史有傳曾祖萼則見此誌
事略與史稱繼業贈侍中誌云贈中書令史固本之事
略事略則本之實錄理不至舛至道時去繼業之卒未
遠又爲勅撰之文尤不宜舛或爲加贈歟元佐廢後居
於南宮至至道二年十二月矣故曰勤勞日久傷感疾
生薨于王邸也舒雅傳不言其爲屯田員外郎此足補
史之闕宋史職官志凡除職事官以寄祿官之高下爲
準高一品已上爲行下一品爲守雅朝散大夫階高故
曰行裴瑀從事郎卑於官故曰守太僕寺丞誌後結銜
檢校司空兼御史大夫李神福卽誌所謂承命護喪之

中貴史亦有傳此劉微之訪錄間有闕文石佚又訪拓
本校補

佛頂尊勝陀羅尼經序幢

大中至道二年

石高五尺八
幅每幅五寸

經序不錄

龍天 伏願 先亡考 承斯妙善值下生三

會之緣仗託勝因離此世五濁之幻永生不滅含

於有作時大中至道二年歲次丙申五月丁卯

朔十八日 建

亡父 趙氏何姑裔郎女 長男王 慎新婦

氏 次男王 新婦袁氏 新婦何氏

次男 長女 次女 孫男

陳田 男佛 孫女貴姐 孫女

姐孫女

右石今在縣西南七十里嵩峯寺門外仆搨片模糊款識多難辨大中至道四字相連殊不可解然曰歲次丙申實爲至道二年

經幢殘石

石高一尺二寸
八面面四寸五

經文不錄

鞏縣志卷十八

金石三

五

經川圖書館刊

先娶呂氏生一男一女 男繼昇

時大宋至道三年歲欠丁

右石今在縣西南三十里益家窩關帝廟溝僅下尺餘

文亦有剝落上佚

佛說二經二真言同幢

正書咸平元年今在縣南五十里堤東觀音堂壁

石高三尺一寸八面不等首有筍二寸許帽佚字後款識八行行字不等

佛說般若波羅密多心經

經文不錄

佛說解百生冤結陀羅尼經

經文不錄

佛頂尊勝陀羅尼真言

真言不錄

佛說大悲心真言

真言不錄

時大宋國洛京河南府鞏縣南訾鄉故縣村敬佛弟子王

光遂竊聞覺道圓明流光沙界 慈悲而 施救四生

演法時恩霑 趣 光遂 生居末世有悞 持特減淨

財建置香幢 克成 亡考亡 見亡骨肉 願承

斯 輪迴之苦更希見存眷友 親

芟蘿 沐其

鞏縣志卷十八

金石三

六

經川圖書館刊

先祖阿翁王 當世阿翁王真 男景直 孫男光人

光 重孫男知謙 四哥 言五 阿高 馬六

小園 克老 白盆 堂哥 祖阿婆何氏 當世阿婆

氏 男新婦阿趙 新婦阿張 孫女礼姐 杜姐

趙姐 繡 喜 任姐 重孫男射七 合哥 昭兒

兒 見在男光遂 男知進 守信 克 重孫

男劉一 寒哥 孫男新婦阿皮 新婦阿賈 新婦阿

新婦阿趙 孫女大姐 重孫女崔姐 蔡姐

崔

咸平元年二月十八日建立記

佛頂尊勝陀羅尼經幢

石高四尺五寸共八幅每幅四寸五分六行字正書

鄉貢進士李道書并讚 住阿姑羅段 緒女王氏

經文不錄

刊石都料王懷

縣 管宋 夫 先亡 王墳所特建

尊勝幢子一座具孝子禮謂予曰願 宜書石序

事紀諸於後僕遂固言不獲而已乃

大 氏設教則非其善而心識智知不得 於金口耶若

以居惡業鄣行邪道是故不得見 如來經云赫日當

天盲者不見是誰之過尤公則明 瞿曇之正性達

世尊 慈悲懷无上 心 利之恩故公皇考

諱稠滎陽人也享年七十四娶成氏年七十葬于宅一原

之上行祔焉禮也 三子三女長女適郭氏次適衛氏小

適卜氏並亡 娶張氏早 次男 超娶王

三子長曰 並 二女見在長適王 次適張氏小男

上美娶 氏生三子長曰用和娶王氏生一女名蒲江次

曰用貴娶賈氏生三子長曰王留次曰波兒季曰用平託

氏為親 六禮一 馬 早 公莫不是居家

愷悌人仁令子不欺於忠信孝婦惟謹 名播鄉閭

義通交友公慮 景之迅邁整家道之優 用青 陳

慶薦於九月一就 設 一中

道場報諸先代庶幾人極賢聖四海真 錫庇麻長

生護祐乃 讚曰

釋氏之門 大慈世尊 濟渡生死 見存 日月

明兮四海暉 道慶兮百行舒張 八難 災兮化成介

福 兮萬壽無疆

大宋景德二年九月一日記

右石今在縣西南四十二里柏坡汾陽王廟大殿前十
餘步立上帽造蓮花盤盤中造香爐其盤廣二寸五分

鞏縣志卷十八

金石三

八

經川圖書館刊

爐廣一尺二寸盤推能轉工巧幢搨片不精款識多難
辨認

宋安王文惠墓誌銘 撰 白憲書

石佚未詳
高廣尺寸

大宋皇弟故崇仁保運同懷守正功臣武寧泰寧等軍節
度管內觀察處置學使開府儀同長使宋太保憲中書令
徐州大都督上柱國兗王食邑一万五百戶食實封叁仟
肆伯戶贈太尉兼尚書令追封王諡曰文惠墓誌銘

朝散大夫行右正言知 制誥兼羣牧使騎都尉沛

縣開國男食邑三百戶賜紫金魚袋 撰奉

勅撰

翰林待 詔朝奉郎守秘書丞同正賜緋魚袋 臣 白

憲奉 勅書

夫天至高也奄八紘而覆育日至明也盡九有以照臨其
有稟粹鍾靈 日挺 公族緯爲賢王生茂温
文歿存徽烈播諸千古不其偉歟 王諱元傑字明哲
宣祖 武皇帝之孫 太宗神功聖德 武皇帝之第五
子 今上之弟也風儀竣整器宇淵深懿行克修靡有師
訓正性自得居然老成温恭惠敏忠肅明允盡孝愛于
君親之際洽友悌于伯仲之間懷好賢樂善之心惟日不

足蘊閱禮敦詩之志見善則遷實宗室之令儀皇家之茂
緒也 先皇帝拓平夷夏混一車書采麟趾于周詩重犬
牙于漢制大開土宇益建戚藩王適當加冠之年卽奉聖
第之命榮聯鷹虎慶洽龍 大平興國八年冬制授崇仁
保運功臣特進檢校太保同中書令門下平章事上柱國
封益王班陞四輔秩視三公金鼎調元飛六符于天上桐
珪錫命彰一字于日中 聖朝文教勃興皇 建
陳大禮咸被慶恩端拱元年加兼侍中行成都尹充劍南
東西兩川節度管內營田觀察處置統押 詰 兼
西 八國雲南安撫制置管內橋道等使淳化五年二月

國家以慶靈所集邊鄙無虞并絡分疆未稱親賢之寄淮夷昨達更資屏翰之功乃以王行揚州潤州大都督長史充淮南鎮江軍節度揚潤等州管內觀察處置營田堤堰橋道等使加封吳王峻壘因山北固乃荆王之國長江析派壽春連楚相之波爰易土疆式隆藩輔至道二年春再授行揚州大都督充淮南忠正軍節淮南管內觀察處置等使加崇仁保運守正功臣王勣守中慮惟經遠卑以自牧遵大易之格言位不期驕法前賢之深誠每陳退讓終不獲焉今上之嗣寶位也稽合元符誕敷慶典疏封列爵皇明茂庇于本根睦族展親渥澤首霑于棣萼授

王開府儀同三家檢授太尉兼中書令行徐州大都督充武寧泰寧等軍節度管內觀察處置等使進封充王加賜崇仁保運同懷守正功臣充海名邦瑕丘重地用廣山河之賦誕揚魯衛之風咸平中上以備物致誠郊定位再嚴祀事抵祖宗王皆躬羽儀虔奉齋祭神獻之禮夙夜惟寅二年增益戶封五年進位守太保餘如故金璽緌綬荷綸之尊玉節戈兼安殿邦之任便蕃之命燦於簡書謂其爲子爲臣盡忠盡孝雖城盤石方隆百世之基積德累仁永年之壽天胡不憖人將疇依咸平六年七月二十五日薨于內丘之正寢享年三十有

二 皇上撫几震悼鳴陳流涕手足之篤 凡乘
輿 卹第者三前殿輟視朝者五出次制服羣臣奉慰
制贈太尉兼尚書令追封安王有司奏諡曰文惠卽以其
年十月十七日權窆於都城東郊禪惠之精舍改宜也先
是 王夔 太宗降於宮邱有若趨召之意自是浹旬之
內至于含玉之夕屢聞雅樂揭于青霄俄以奄然不疾而
逝則知天人符合之道所嚮感應之理豈偶然耶嗚呼
王自開朱邱奉朝請凡二十年三進王封四更侯闡累加
奉邑至一万五百戶真食至三仟肆伯戶行德秉彛不驕
不吝手輔王室動宣令猷加以酷嗜典墳素精篆隸凡出

玉帛玩好購圖書盈二萬卷廓廡臺榭設筆硯者十餘所
討論義類優命聖域慎重名器如不勝焉以至留意於篇
章程能於弧矢未嘗夙習宛若生知雖北海之多能河間
之好學淮南周敏 之思東平孝友之賢莫是過也自
非何 武祖 宗文之慶稟克岐克嶷之姿則何以臻於
此乎燕國夫人張氏王之嘉耦也生闕閱之門服組訓之
訓克彰內助茂著柔儀有男三人女四人 不 世一子
王捐館後累月而生晷歲而歿蘭萎珠碎何痛如之嗚呼
哀哉 日有期佳城在望 芻載路煙雲慘空爰 命內
臣典茲喪事以景德三年歲次丙午十月二十有八日丁

西遷王之神柩葬於河南府鞏縣南訾鄉長俸村里禮也
皇上念同氣以孔懷惜徽音之不闕俾刊貞石用志幽
扃臣躬天 命式揚茂實曾 愧辭銘曰

維宋有國 維王應期 靈源析派 若木分枝 閱禮
敦詩 多才多藝 爲世羽儀 爰建戚藩 爰開太宇
西蜀南吳 泊于東魯 德施風翔 猗歟邦家 實
資夾輔 嗚呼

公族振振兮方儲祉於上玄 良夜悠悠兮遷感夢於在
天 樂冷 真仙 王之壽兮胡不降於永年 風
蕭蕭兮雲漠漠 面維嵩兮背清洛 王之名兮焉可度
出不

興德皇后園陵并祔葬一行都大勾當供備庫 使
入內內侍副都勾當御 院金紫光祿大夫檢校左散騎
兼御史大夫騎都尉清河縣開國子食邑六百戶臣
張景宗

御書院沈慶王欽鐫字

誌稱葬鞏縣南訾鄉長俸村里景德四年始立永安縣
葬時爲三年故猶稱鞏縣

佛頂尊勝陀羅尼經

并序石幢
景德三年

石高五尺八
面五寸

經文不錄

寶沙門佛陀波 奉

詔譯

阿翁奉為 亡妻李氏建尊勝陀羅尼經幢一所

李氏在生有男一人女三人 男新授遼州 揮

使 新婦丁氏孫 大姐節婦 二姐

陰郎再娶到呂氏見同居 女孫男守節

新婦趙氏 次男守信 新婦趙氏 女孫崔郎 孫

高留 房親姪男衛美新婦 氏二男一女房親

姪男衛 新婦 氏

景德三年十二月十六日建 習學究王玄德書

鞏縣志卷十八

金石三

十三

經川圖書館刊

鐫字人干懷忍

右石今亦在縣西南七十里嵩峯寺門外仆

佛頂尊勝陀羅尼經幢

石高五尺二寸八
幅五寸行書

經呪不錄

大宋國洛京河南府永安縣南訾鄉 孤子

廡 亡過 考妣造尊勝陀羅尼幢大宋

祥符二年歲次己酉十月十五日 建立

夫生者氣之聚也死者氣之散也復謂死生聚散乃人之

常其如生有至德歿有至靈吾謂百無有一也 天水

司空趙君諱正實尔世猗之士其三代之貴非略而不紀屬在墓誌存焉令德芳聲夙傳聞於遠近行仁布惠早騰於鄉原享年七十有五疾歿於仙墅時大中祥符元年十月四日咸謂趙君生作善事其福應有如此也血屬尸而號泣者百有餘素車白馬造門而弔間者亦不啻數百人皆是君平昔有好賢禮賓之儀使之然也可謂後難繼矣君有子四人長子左班殿直懷立朝無佞事君盡忠履行存誠得爲人之大體推仁讓美可作世之元規次子懷舉學究窮經奧義干祿明時恭儉修身折桂卽登於蟾窟溫柔取事於探珠須

到於龍宮其諸二子各守一藝俱在少年非詞屈而不明取盡言而爲當其誨誘義方之道有如此也命予紀事直述其辭銘曰

卜其宅兆宜葬茲地洛水清聲嵩峯積翠鶴舞稱祥鸞喻表瑞崗勢畢全子孫獲利伏冀神魂永寧方位佳城皇兮動悲哀立黃埃而有淚

長男見任左班殿直監西京南山彩造務兼巡檢懷次男見應鄉貢學究懷次男懷次男懷操長男與寇氏爲婚次男與張氏爲婚次男與傅氏爲婚次男未婚長孫吏部流內詮書令史世永先娶元氏見與孫

氏爲婚 次孫世 先娶邊氏見未婚 次孫世貞見與
張氏爲親未婚 次孫見三班院守職世安見與章氏爲
婚 次孫習進士世寧未婚 次孫世卿未婚 次孫世
倫

業經論誦法華經沙門 澄淨 述 并書

石作都料張 義 刊字

右石今在縣西南少東四十里羽林莊北三里回回窪

仆

宋佛說解百生冤結經幢殘石 正書大中祥符五年今在縣南四十里羽林莊玉

仙聖母 廟仆

鞏縣志卷十八

金石三

十五

經川圖書館刊

石高三尺八寸 八幅幅廣四寸

經文不錄

時大宋國洛京永安縣南訾

重佛弟子馬

宮 下缺

三世骨肉 保壽安寧 下缺

每 時成

百生 下缺

玉皇所修功德並皆圓滿合家一心

永允供養願 皇帝萬歲 國泰人安

大中祥符五年二月二日歲次乙卯朔立

重佛弟子馬忠武前娶潁陽縣朱氏生二男三女

再娶王屋縣王氏生一女 長男月印娶張氏 新婦張

生一男 次男 娶偃縣新婦張

佛頂尊勝陀羅尼真言幢

石高四尺八面面闊四寸四行字徑寸正書

真言不錄

父母 願亦是身也

李 二姐靖

天禧三年己未歲八月一日乙酉朔六日庚寅建立

鞏縣志卷十八

金石三

十六

經川圖書館刊

右石今在縣西南益家窩劉圪墘井上相傳此地謂寺院口石上下有筍坐帽佚建姓名漫滅難辨文間有剝

闕字端凝

宋新修淨惠羅漢院碑

天聖八年張觀撰李九思行書并篆額今在縣南六十里羅漢寺

前大殿

碑高五尺六寸五分寬三尺一寸厚八寸額高二尺九寸五分寬三尺三寸十七行行五十字撰書銜名不等陰十二行額二行行五字

大宋新修淨

惠羅漢院碑

朝奉郎行右司諫直史館同修起居注上騎都尉賜

緋魚袋臣張觀奉聖旨撰

翰林書藝 御書院祇候臣李九思奉聖旨書并篆額

夫緣起曰形曷道有名之域像設爲教終開無上之筌事雖稟於盛衰道固存於靜妙不有墮圯何以建維新之功不有壯麗何以格厖鴻之慶則青龍山羅漢龕之謂乎居山之陰其制甚陋年禩濳遠莫窮營範之初邑里至慶素爲瞻奉之所穆如宴坐甲於勝遊層巖俯臨喬木交映封巒舊壤占鞏洛之奧區神闕凝接

陵臺之福地雖僅存於環室而久乏於 嚴蕭然庭除鞠

爲茂草羅漢之號始於西方具載釋經此不繁述蓋諸佛聖人設其名品以爲證果之階耳察其頓漸則三乘之理有殊語其開誘則一雨之潤無別福我黎庶率爲令人豈有尊其教而卑其居尙其德而慢其禮者哉先是上

御藥羅崇勳嘗馳使車躬視陵邑覩茲遺美因而上言

兩宮以 睿聖之慈敦至仁之治爰使 膏用垂不

朽乃命高品張懷恩相厥址專厥事謹其費慮其勞永定陵副使張永和督其役焉於是營可構之材鴻纖適用來至信之衆遠邇如歸不日成之其道甚大

詔自京師迎佛像居殿之中遷羅漢像翼坐其次儼然如

元愷之相待虞舜也東曰廚西曰堂重樓交影疊采並煥
又若毗耶之蓋奉如來也 賜其院曰淨惠旨遠乎
哉悟其本君子得棲神冥累之方覩其嚴小人知遷善遠
罪之地弼 我皇化不其偉歟爰 命小臣志
其盛事謹爲銘曰

龕像之設 惟福之基 堂構之盛 惟民所宜 經之
營之 如翬斯飛 覩相生善 悟理知歸 上尊其德
下盡其力 水間鍾梵 山潤金碧 沖寂其性 仁
義其迹 壽國伊何 時萬時億

時天聖八年歲次庚午四月癸未朔二十一日癸卯建

永定陵副使禮賓副使張永和准 上 御藥羅崇勳劄
子奉 聖旨青龍山羅漢泉側近新修羅漢堂一位

令充永昌院下院所有羅漢堂合用鍾磬鑊道器具香爐
香合供養花果等充常住又至天聖五年九月二日奉
勅宜賜淨惠羅漢院爲額及 宣賜永安縣許令本

院 指射 耕種山荒地 頁 可四至內開種

蒔充常住又奉 聖旨河南府永安縣支撥到錢
貫文買得 劉嗣竭產地土莊 土木相連共計

可四至內並屬羅漢院當年十二月二十五日准

上 御藥張懷德劄子奉 聖旨傳宣每年

皇帝乾元節

皇太后長寧節進奉祝

聖壽功

德疏等兩節與度行者各一名及四

聖節賜紫

衣勅牒一道及賜本院少闕動用家事鑊釜竈火爐等計八事件并每季賜乳香四十四兩半充逐日供燒具已度過小師及紫衣人數

師弟賜紫永如

小師惠簾

惠泉

惠杲

嵩岳 嵩直

臣王思道鐫字

三陵永昌院主演法大師賜紫沙門臣

永和

永定陵青龍山淨惠羅漢院主廣化大師賜紫臣永安

內侍省內侍殿頭專官勾西京永安縣青龍河槽兼造臣張懷恩

上 御藥銀青光祿大夫檢校太子賓客兼御史大夫騎都尉永安縣開國男食邑叁伯戶臣羅崇勳

永定陵副使禮賓副使銀青光祿大夫檢校右散騎常侍兼御史大夫上騎都尉清河縣開國男食邑叁伯戶臣張永和

右碑銘紀事羅漢院初修出自皇帝意旨蓋以地接園陵藉爲祖宗薦福臣下奔走概屬奉旨羅崇勳倡議張懷恩相址張永和督役院於是乎落成嗣迎京師佛像

於中賜名淨惠樹碑紀錄巔末張觀撰文李九思書并篆額無一不由中旨復計及鐘磬鑄鈹道里香爐各供養再飭永安縣支撥錢緡買院旁地莊且於皇帝乾元節皇太后長聖節祝聖壽時與度行者各一名恩賜紫衣勅牒下至細碎事故不勝枚舉夫以區區一禪院委輒牽及大內卽云庶僚代謀寧不煩及口耳乎矧設官各有專守似此建廟佞佛亦非所以策臣工綜其舉措其淺見寡識與里巷顛蒙何異原人之志行殷於此者疎於彼軒於前者輕於後仁宗於宋爲賢君史稱其仁柔有餘剛武不足是以常有夷狄之禍讀淨惠羅漢院

碑不禁令人齒冷觸螻穴潰堤之感

宋修奉園陵記

正書景祐四年孫昂撰馬維德書今在縣西南二十五里後泉溝嶺

碑連圓額高八尺三寸寬三尺厚下八寸五分上七寸二十六行行五十六字撰書銜名不等篆額二行行三字

修奉園

陵之記

事 守將作監主簿知河南府緱氏

縣事

孫昂撰

翰林書藝御書院祇候馬維德書

粵若封樹所興革乎材也陵域爰設存厥制焉矧復河洛
導川昔 建都之壤澗瀟流潤本宗周卜邑之疆陰陽
萃乎淳和天地挺乎中正有測景之故事存定鼎之宏基
岌嵩嶺於輶輳 長郊於邾廓嘉以坤 含瑞天鎮聳奇
標神岳崇高之形奠中土峻極之勢所以安

三聖之

園寢爲万世之邦基

皇上

衣

維

洪業

千齡之景

法禹度而

凝誕堯仁而

當宁叶推方以敷育體得一以布猷

政

鞏縣志卷十八

金石三

二十一

經川圖書館刊

暢乎古今

神休裕乎上下恭

禮典恪奉

孝儀

保慶皇太后神德丕

宣

陰教鴻被早蘊

承天之道夙敦與月之方

而咸熙光揚

淑哲務四教而克備懿洽

宮闈爰自

先帝垂法中區

皇上承統大寶外則靡親於

國柄內則密潛於

謨光簡冊於永年出

智識於前古近鍾疾疹遽奄遐算景佑三年十一月

四日上仙諡曰

莊惠乃命起復雲麾將軍侍衛親軍

馬軍副都指揮使建寧軍節度觀察留後鄭

守忠

充修奉

園陵部署內藏庫使嘉州刺史入內侍省押班劉

從原

充修奉 陵都監入內供奉官干德原郝仲康充

修奉 園陵走馬承受西京左藏副使李知常充監修

皇堂就茲洛土營乃 園陵掘地揆乎吉辰壙 按

乎舊制兵人工匠計一萬一千虔膺 宸旨寅

奉 葬儀人無告勞之聲工有勿亟之制奉孔氏之要

道力匪同科洞周詩之格言民從悅使居然辦集究矣經

營十二月十二日入內副都知皇甫繼明錫御宴以賞勳

是月二十六日入內供奉官趙用頒中金而褒績入

內殿頭朱文用錫挾纊而布乎 帝澤當糶雪而軼乎

皇情判河南府大師張丞相士遜奉竹木塼 之材

錢帛芻粟之給動逾萬計不擾一物吏部侍郎王上樞

隨職此虔護志在憂恤彌務儉禮勿使勞衆入內都王惟

忠恭副簽轄克持公正謀畫悉周忖度必中孟津戶部侍

郎范雍輸車五百輛奉寧戶部侍堯佐運甌五萬計皆鎮

股肱之郡率展經綸之力租庸吏部侍郎程琳坐籌而事

無愆素備物而 有餘資計度支郎中楊日華主

客郎中林維始則提振而辦材終則漕輓而集事洛苑副

使王從均備挺填之器左藏庫副使凌允言舉巡警之職

入內供奉官楊 務之局督應用之具入內殿頭

王繼隆入內高品朱若水劉躬掌善局日犒庶士入內

殿頭李允恭得賈谷之匠採粟嶺之石繼轍而至時而

來故使耳乳臺之崔嵬雙峙而中矩神門山門之卓犖

四闢而有闕廷端以並陳獻殿敞以獨煥而

級植松柏之歲寒閱皇堂於中繪皇宸之躔次隧

道亘乎百步石門確乎一重樞圈鐵而載堅開磨珉而益

王座虛其四丈梓宮周以七楹木則或梁或棟而掄材

運斤倏就石則乃人乃獸而有器琢璞備陳聿起盛儀逮

侔舊體昭乎輪奐之狀得乎儉之猷自十一月十六日

興役至今年正月十六日畢事計五十餘萬皆修奉二

臣之英幹也是月二十日

頒金帛有遽

飛章而告成俟

靈輿而終禮昂猥膺分職夙昧摛文辱嚴命而若驚揚休

績而弗罄時景祐四年正月二十三日記

玉册官邵 王文炳鐫

翰林書藝御書院祇候高士安篆額

監內 使入內視省

行 公事 光祿大夫檢校右散騎常侍

使持節嘉州諸軍事嘉州刺史兼御史大夫騎都尉

彭城郡開國公食邑二千一百戶劉從原立石

修奉園陵

護衛忠軍

軍副都指揮使建寧軍節度觀察

光

祿大夫檢校戶部尚書使持節建州諸軍事建州刺史兼御史大夫柱國滎陽郡開國公食邑四千七百戶食實封捌伯戶鄭守忠

張士遜傳云判許州時士遜罷已累日制猶用宰相銜有司但奉行制書不復追改記稱丞相是徙河南府後仍沿前制之稱然士遜致仕始拜太傅卒乃贈太師記稱太師誤也王隨以吏部侍郎知樞密院事為莊惠皇太后園陵監護使故稱上樞范雍以戶部侍郎知河陽故稱孟津陳堯佐以戶部侍郎徙鄭州鄭州為奉寧軍節度傳云會作章惠皇太后園陵州供張甚嚴賜書褒諭故稱奉寧程琳以吏部侍郎三司使於景祐四年四月遷參知政事記作於景祐四年正月故稱租庸

宋宗室江州團練使第四女墓記

嘉祐庚子十月王珪撰虞溫正書今存縣西

南清易鎮南溝舞樓東張家門外仆

碣高二尺六寸寬一尺八寸五分厚五寸十行行十三字撰書銜名不等

宋宗室左屯衛大將軍江州團練使之女墓記

翰林學士朝散大夫行起居舍人權判吏部流內銓提舉集禧觀公事上騎都尉太原縣開國伯食邑八

百戶賜紫金魚袋臣王珪奉勅撰

翰林書藝儒林郎守新州新興縣主簿御書院祇候

臣虞溫奉聖旨書

左屯衛大將軍江州團練使宗立第四女

上之姪孫其曾祖恭憲潞王諱元佐祖安遠軍節度使密國公諱允言慶曆四年 月十五日生于睦親之第皇祐元年正月十五日感疾以卒權厝龍華之佛舍纔六歲嘉祐庚子十月 西葬河南永安之別域謹記

王册官臣司馬金刊

宋重修啟母少姨廟記

嘉祐六年九月喬翥撰劉瑀正書并篆額今在縣西六十里四座

鞏縣志卷十八

金石三

二十五

經川圖書館刊

廟神州殿東偏壁上

石高四尺四寸廣二尺篆額三行行二字記十六行行二十二字前後款識不等下方列邑人等姓名三層字數多寡亦不等

啟母

少姨

廟記

重修啟母少姨廟記

平陽鄉貢進士喬翥撰 劉瑀書并額

武紀元封元年春用事 中嶽見夏后啟母石 啟母者

蓋夏后啟之母也事不經見自漢以來祀之 少姨者唐

楊盈川稱卽啟母之妹武后冊啟母爲

王英太后少姨爲 金闕夫人著之令甲而鄉縣奉祀

寢盛本廟在嵩嶽及太室山中至開成四年鄉人馮彥皋始置別廟於栢谷之卻地從便也年祀寢遠祠宇隳落莫獻之所若無所容有楊士元者病其若是始謀改葺募人同力卜築先出家貲以率之里人聞之樂就其事從之者如市凡得財幣數百千楊君之出十七八焉遂興力役踰時而成堂構壯麗繪像嚴肅五岳四瀆列于東西序庶幾神之遊於斯安於斯受饗於斯則吾民亦有所祈禱歸嚮矣

廟內句當 事賀告 任守忠 劉甲戌 潘懷志

來永章 蘇懷密 元乂 張謙 楊榮 張順

劉海 張中正

邑人等牛積 賀京 周昭乂 張文曾 劉士宗

趙習 馬遇 朱仲庸 郭吉 柳方 李德昇

張可宗 馮庸 武文政 宋達 趙 昇 周

天方 李貴 程懷潤 張遇 劉用之 日新

武貴 楊德 屈勝 蘇志 趙宗國 趙德昇

賀乂 趙遂 武德 趙清 党友昇 趙仁

喜 皮公爽

范信鑄字 石作渠興

時大中嘉祐六年歲次辛丑九月庚 朔二十三日壬申

建記獨備立石人楊士元 常用成 李文乂 楊守信

維那 屈順 李宗三人等 木匠趙仁美

泥匠 文德 廟主 訓 趙留 姚

瑋

記言廟立於唐開成四年啟母石有祠誕矣啟母而有
妹稱之曰少姨則尤不可思議年稱大中嘉祐此與至
道二年所立佛頂尊勝陀羅尼經序幢同蓋皆鄉曲之
所為也

荆王墓誌銘

宋 祁

見景文集

皇從姪全州觀察使追封新興侯墓誌銘 宋 祁

見景文集

南陽郡君李氏墓誌銘 宋 祁

見景文集

故夫人黃氏墓誌銘 尹 洙

見尹河南集

故宣德郎守大理寺丞累贈司封員外郎皮公墓誌銘

尹 洙

見尹河南集

宋修鞏縣孔子廟記

尹洙

石佚見尹河南集

皇從姪衛州防禦使遂國公墓誌銘

歐陽修

見居士集

皇從姪筠州團練使安陸侯墓誌銘

歐陽修

見居士集

皇從姪康州刺史高密侯墓誌銘

歐陽修

見居士集

皇從姪右監門衛將軍廣平侯墓誌銘

歐陽修

鞏縣志卷十八

金石三

二十八

經川圖書館刊

見居士集

皇從姪右監門衛將軍墓誌銘

歐陽修

見居士集

皇從孫右屯衛大將軍武當侯墓誌銘

歐陽修

見居士集

安陸侯夫人長樂郡君賈氏墓誌銘

歐陽修

見居士集

右監門衛將軍夫人金堂縣君錢氏墓誌銘

歐陽修

見居士集

右監門衛將軍武昌縣君郭氏墓誌銘

歐陽修

見居士集

右監門衛將軍夫人東陽縣君鄭氏墓誌銘

歐陽修

見居士集

右監門衛將軍夫人周氏墓誌銘

歐陽修

見居士集

秦國大長公主墓誌銘

張方平

見樂全文集

皇叔祖推誠保順同德亮節崇仁守正佐運翔戴功臣寧

鞏縣志卷十八

金石三

二十九

經川圖書館刊

海平江等軍節度管內觀察處置堤堰橋道等使開府儀
同三司檢校太傅守太保兼中書令杭州大都督長史使
持節蘇州諸軍事蘇州刺史上柱國襄陽郡王食邑一萬
五千四百戶食實封五千戶贈太師尚書令兼中書令追
封定王墓誌銘

張方平

見樂全文集

皇從弟故推誠保順翊戴功臣安靜軍節度使梓州管內
觀察處置等使金紫光祿大夫檢校尚書右樞射使持節
梓州諸軍事梓州刺史兼御史大夫上柱國天水郡開國
公食邑六千六百戶食實封二千一百戶贈太尉追封永

嘉郡王墓誌銘

張方平

見樂全文集

左武衛大將軍沂州防禦使贈崇信軍節度觀察留後漢

東郡公墓誌銘

張方平

見樂全文集

宗室金紫光祿大夫右屯衛將軍檢校太子賓客兼御史

大夫騎都尉天水縣開國子食邑六百戶贈潁州防禦使

汝陰侯墓誌銘

張方平

見樂全文集

宗室贈右屯衛大將軍仲考墓誌銘

張方平

鞏縣志卷十八

金石三

三十

經川圖書館刊

見樂全文集

皇姪孫銀青光祿大夫檢校國子祭酒行右監門率府率

兼御史大夫輕車都尉贈領軍衛將軍仲郢墓誌銘

張方平

見樂全文集

宗室故銀青光祿大夫檢校國子祭酒行太子右司禦率

府率兼殿中侍御史騎都尉世襲墓誌銘

張方平

見樂全文集

徐國太夫人墓誌銘

張方平

見樂全文集

宗室右武衛大將軍黃州刺史令稼夫人壽昌縣君李氏

墓誌銘

張方平

見樂全文集

宗室太子右司禦率府率宗彥夫人張氏墓誌銘

張方平

見樂全文集

右監門衛大將軍仲炎夫人秀容縣君李氏墓誌銘

張方平

見樂全文集

左驍衛大將軍世諡夫人仁壽縣君安氏墓誌銘

鞏縣志卷十八

金石三

三十一

經川圖書館刊

張方平

見樂全文集

宗室右監門率府副率仲甫夫人魏氏墓誌銘

張方平

見樂全文集

右清道率府副率世暉夫人高氏墓誌銘

見樂全文集

皇第八女追封韓國公主石記文

見樂全文集

故鄆國公主石記文

張方平

見樂全文集

宗室銀青光祿大夫檢校國子祭酒行太子右內率府副
率兼監察御史武騎尉仲產石記文 張方平

見樂全文集

宗室左監門衛大將軍世滋故長男太子右監門率府率
令輯石記文 張方平

見樂全文集

宗室右監門率府率仲郢第三男石記文 張方平
見樂全文集

宗室右千牛衛大將軍宗訥第四男石記文

鞏縣志卷十八

金石三

三十二

經川圖書館刊

張方平

見樂全文集

宗室故贈潁州防禦使汝陰侯宗育第二男石記文
張方平

見樂全文集

宗室右屯衛將軍宗迥第五子石記文 張方平
見樂全文集

故銀青光祿大夫檢校國子祭酒右監門率府率兼侍御
史上騎都衛仲涵石記文 張方平

見樂全文集

左監門衛大將軍宗楷第八男石記文

張方平

見樂全文集

宗室太子右內率府副率仲郢長女石記文

張方平

見樂全文集

祁國公宗說第六女石記文

張方平

見樂全文集

宗室右屯衛將軍宗嚴第七女石記文

張方平

見樂全文集

宗室右屯衛將軍宗嚴第五女石記文

張方平

鞏縣志卷十八

金石三

三十三

經川圖書館刊

見樂全文集

安德軍節度使華原郡王允良第九女石記文

張方平

見樂全文集

左龍武衛大將軍信州團練使安國公從古第四女道娘

石記文

張方平

見樂全文集

右武衛大將軍黎州刺史世岳故妻安喜縣君李氏墓誌

銘

王安石

見臨川集

宋贈保慶軍節度觀察留後追封東陽郡公宗辯墓誌銘

王安石

見臨川集

贈虔州觀察使追封南康侯仲行墓誌銘 王安石

見臨川集

贈華州觀察使追封華陰侯仲厯墓誌銘 王安石

見臨川集

贈奉寧軍節度使追封祁國公宗述墓誌銘

王安石

見臨川集

鞏縣志卷十八

金石三

三十四

經川圖書館刊

右監門衛大將軍世耀故妻仁壽縣君康氏墓誌銘

王安石

見臨川集

右千牛衛將軍仲焉故妻永嘉縣君武氏墓誌銘

王安石

見臨川集

贈右屯衛大將軍世仍墓誌銘 王安石

見臨川集

華陰侯仲連墓誌銘 司馬光

見傳家集

右屯衛大將軍令邦墓誌銘

司馬光

見傳家集

皇從姪右屯衛大將軍士虬墓記

司馬光

見傳家集

榮王從式墓誌銘

韓維

見南陽集

宋四陵碑記

石佚高廣
尺寸未詳

宋太祖太宗真宗仁宗碑記

蔣漣

歲在癸亥臣漣奉

鞏縣志卷十八

金石三

三十五

經川圖書館刊

皇帝命以

孝惠仁憲端懿純德順天翼聖章皇后升祔

太廟禮成分告河南歷代帝王陵寢肅將祀事星言至鞏
有宋四陵在焉 鄉薦幣之餘周視寢園不覺穆然於宋
系之盛宋治之隆而歎其卜年綿遠裡祀弗替良不誣也
在易之恆曰聖人久於其道而天下化成孔子曰王者必
世而後仁又曰善人爲邦百年亦可以勝殘去殺夫以聖
人居王者之位猶必久於其道而仁覆天下而況於善人
乎莫爲之前雖美弗彰莫爲之後雖盛弗傳稽古堯授舜
舜授禹是非一姓有商之君賢聖間作是非一時惟周文

武授命嗣以成康百姓安寧刑措四十餘年不用唐虞以
來於斯爲盛漢興至於孝 亦四十有餘載凜凜鄉改正
朔封禪矣謙讓未遑東京建武永平之政粲然具有條理
章帝以體之忠恕文之以禮樂逮於永元雖頗有弛張而
俱存不擾然則聖人在位而至於歷世者周之四代是也
善人相繼而不俟百年者東漢之四代是也有宋之興其
後周而迭漢乎太祖起介冑之中踐九五之極四方列國
次第削平創業垂統規模宏闊釋藩鎮兵權繩臧吏重法
務農興學慎罰薄斂與世休息太宗繼之以慈儉爲寶絕
遠物抑符瑞炳煥史牒號爲賢君真宗聰明英武剛鯁不

撓之臣興制舉常平之法符符以後天書疊降說者以爲
假神道設教之言以消逖遠窺覲之志九野清泰黔首晏
如仁宗恭儉仁恕出於天性其時吏治若媮媮而任事鮮
殘刻之人刑罰似縱弛而決獄多平允之士小人不足以
傷善類之氣小眚不足以干造物之和君臣一德朝野一
心上可望而知下不言而喻合而論之太祖開其基太宗
纘其緒真宗守其成仁宗善其化蓋優優乎勝殘去殺以
庶幾於仁而稽其歷數已百有餘年矣豈不盛哉漣忝祠
官例得紀分祀歲月立石廟下并論次有宋四陵所以列
聖朝祀典者其本末如此來者有考焉

宋相王墳域

石今在鞏縣西南五十里栢峪村井上宋宗室傳太宗子元偃改封相王薨贈鄧王子允弼熙寧二年薨追封相王此蓋允弼父子墳界刻石村父老言始治四座廟之關廟基得此地中

相王

墳域

宋宗室內殿承制子煜墓誌

石高一尺四寸五分廣同厚三寸七分

宋宗室內殿承制上柱國天水縣開國伯食邑

左領軍衛將軍子煜墓誌銘

翰林學士左朝請郎知制誥兼侍講修國史兼國史院修撰兼知院事上護軍南陽郡開國侯食邑一千

一百戶賜紫金魚袋臣蔡卞撰

翰林藝學臣靳中植書并篆蓋

武成軍節度使楚國公諡僖安守巽之曾孫濱州防禦使累贈開府儀同三司諡敦惠世該之孫故莊宅副使贈君屯衛大將軍令款之子日子煜字光輔母田氏封永安縣君君始授太子右率府副率 今上踐祚覃恩遷右

內率府授法求外補 朝廷許之改授內殿崇班監

定州新樂縣酒稅前領職者多姑息廢事君獨不然歲課遂登上官多薦譽之既受代得宿州柳子鎮兵馬都監未至而卒實紹聖元年五月十四日也享年二十有九娶張

氏生男五人女三人男長曰壁餘及女之存者二人皆尚幼將以明年七月丁酉葬河南府永安縣君事親孝睦諸弟無閒言其孝於事又能自立如此不幸早死以不得盡其才可悲也已銘曰

修之家

効之職

假之以年宜顯白

嗚呼終哉趣真宅

少府監玉册官臣趙隱刻

右誌石亦民國某年清易鎮南溝陶工掘土祖師廟後崖下得之昇陶穴中左方題食邑下石缺角未見蓋石亦是久出土壓此者字秀勁行照石書

鞏縣志卷十八

金石三

三十八

經川圖書館刊

宋殘墓誌石

石高一尺二寸寬二尺四寸五分厚六寸七分

水郡開國 食邑一千四

墓誌銘

戶 撰

常 執中書并篆蓋

四世孫魏恭 諱 諱

令鄒國公諱允成之孫

嚴之第十子也母曰

嘉祐八年

熙寧九年轉右千牛衛將

詔宗室俾與祭公

上聞之嗟悼

殯龍華佛舍公幼而

既長務節儉事父母

好吏籍旁通諸子百

王氏先已出嫁一旦

十七君先娶武氏次

蕙副使遜之女也子

亡次曰士綏太子右

幼亡女三人長適假

幼以 年十月乙

自天 殆非人受

刻以斯銘 用傳永久

玉册官趙隱刊

右誌石僅下少半截橫斷與斬字處皆舊痕民國某年

清易鎮南溝陶工掘土祖師廟後崖下得之未見上多

截是必其久出土而復壓此者今在是溝任家門外照

石書

經幢殘石

石高四尺八
面廣五寸

經文不錄

長男

新婦楊氏

次男文清

新婦申氏

女李郎婦

孫男易從

新婦崔氏

次男易簡

新婦 氏

三年歲次乙未二月己巳朔

壬子建

王守全同刻

右幢舊在縣治西南六十五里斜里莊中井上仆今始
保存其莊賈氏家廟上方磨滅不可辨題下方搨暈濕
亦多字不可辨玩文似陀羅尼經

金淨照大師香林十詠石刻

泰和二年今在縣南六
十里羅漢寺大殿後壁上

右高一尺六寸五分廣二尺二寸四
分詠二十行跋七行正書照原石錄

香林一路少人同步要行即行驀直便去前坡後嶺穿雲
入霧是何之路天寒日莫

香林一軒非方非圓纖塵不立誰敢問禪月臨風度簾卷
窗穿是何之軒雲斂長川

香林一殿金碧交奐世尊指地長者特建功德圓滿光明
顯現是何之殿雙林十勸

香林一塔渾無縫罅白玉琢成從天降下國師起樣耽源
合殺是何之塔廬陵米價

香林一松氣勢如龍皮穿古甲鬚插青銅歲晚自綠夜後
號風是何之松不西不東

香林一鍾模範罕同篆經千古聲震虛空息地獄苦警覺
羣蒙是何之鍾月彎似弓

香林一席無乎人織趙州展開百丈卷起縱橫一色坐卧
相得是何之席薊州鐵器

香林一箭疾如電閃鐵額銅頭魂驚膽顫石鞏未詳由基
不見是何之箭石霜白練

香林一燈室內常明不曾挑剔無滅無增龍潭吹滅靈隱
復生是何之燈鼠咬枯籐

香林一心非淺非深竹搖窗月風動松琴三尖毬子井底
林檎是何之心罕遇知音

先師淨照大禪師泰和二年歲次壬戌中夏上旬有五
日

章宗皇帝詔居漁陽香林禪寺唱道餘暇乃作十詠大
張佛祖奧妙之旨其辭平淡超然自得於言語意味之
外者也福安寺侍座隅輒錄一本秘之錦囊一日法兄
山公座元見訪謂余曰知公久畜

先師香林十詠獨善其美似非仁者之心乎余聞是語
命工刻石龕於崧陰 法堂壁間不唯諸方衲子一新

聞見亦乃知吾雲門法道有在焉興定四年庚辰中冬
一日嗣法小師福安謹跋 副寺元浩 監寺福榮立

石

羅漢院山欄地土公據

興定二年住持福安立今在縣南
六十里羅漢寺後光裕殿南壁上

石高二尺四寸寬
二尺七寸九分

本院山欄地土公據

芝田縣

據東鄉弟一保十方淨惠羅漢禪院監寺僧廣源狀告先
於貞祐元年九月間經本縣告給疏帖請到長老僧普潤
住持本院至貞祐四年十一月間猛有比 到縣

長老普潤并其餘僧行驚散各各逃去不知所向此時長
普潤隨行將帶了本院常住地土公 帖憑驗

文面物色等自後長老徒衆一个不來還院住坐是廣源
遂往本縣告訖長老普潤 本院得置公據等自根

判狀見執爲憑近知得長老普潤卻於偃師縣雲岩寺住
坐以此廣源再經本僧錄司告爭將帶了本院契據憑驗
等物蒙司責得長老普潤此時徒弟廣開收把因被此賊
殺死耗蕩不存如此責說得在司亦有文案照驗今采廣
源思慮得然有告執判狀在手別無給到公據又經官給
疏帖舉請到長老僧福安住持本院且恐他人已後侵占

本院山欄地土以致昏賴旋難爭理是廣源省記得本院
常住山欄地土公據上八至 西至聖水

北至 東北至

東南至 北

盡屬本院地土 內並無 古他人地

土今彩畫圖本頭連帖說在前謹具狀告 縣允勘

當給據帖行當縣爲此尋行下羅口村勘會去後今取到

羅口村二界地分人王契等 當得本保淨惠羅

漢禪院監寺僧廣源告本院緣爲兵火去失了山欄地土

公據 勘會是實 行出給本院憑公據等 來王興

鞏縣志卷十八 金石三 四十三

經川圖書館刊

等前去踏逐羅漢院山欄地土八至

西至

聖水 北至 東南至 水

至 并出入小

道現壹条外別无侵占他人田產等所據僧廣源所告委
是端的亦无詐冒若令出給公據並無諸般窺避違礙如
日後卻有人爭競之時是興等甘當 官罪犯不詞執結
是實當縣照得卽與監寺僧廣源所告相同據此須至出
給公據者

右具如前今出給公據付淨惠羅漢院監寺僧廣源收執

日後照使無得失墜准此

興定貳年叁月貳拾日給主典任興等行

保義校尉行縣尉兼常平倉事張

武節將軍行主簿兼常平倉事裴滿

輔國上將軍行縣令兼常平倉事耨盃温都一

知客卞瑞 庫頭卽悟 直歲智卞 典座福信

維那智如 副方圓浩 監寺福蒙 首座定

宣

住持傳法嗣祖佛燈禪師賜紫沙門福安立石

金羅漢泉詩刻

行書興定四年今在縣南六十里羅漢寺南廟壁上

無住道人福安

鞏縣志卷十八

金石三

四十四

經川圖書館刊

石高一尺三寸廣同二十行行字數不等

予自興定二年正月十有三日因徇其請來居是刹乘閒有一舊住老衲謂余曰寺之西南百步之外林壑之間昔有一泉名曰羅漢其水甘冷其味常諫渠引于寺中宛轉旋流大得其用泰和己未歲多苦旱遂楛之十有三年矣予既聞之感歎不已興定三稔中夏廿五日泉乃復出于是老衲重謂余曰此泉頗靈人皆不知自昔已來有二奇事一表主者有德一表寺之隆替今則泉湧倍常雖非吾師深有德行寺之復興歟敢請和尚下一轉語發揚此一段公案乎不肖爾時忻然默筆爲

書鄙語一章用紀其實可爲千古之下崧陰之勝事耳

無住道人 福安 云

羅漢幽棲地最靈泉因羅漢便爲名昔年曾向瓶中瀉今日還從石罅傾聲雜松風涼枕簟光連山月照簷楹可憐奔走黃塵客來此冷然暫濯纓

興定四年十月廿五日 副寺元浩 監寺福榮

唐汾陽王廟記

在縣治西四十五里柏坡汾陽王廟大殿前簷下

石高四尺三寸寬二尺二寸文二十九行行字不等圓首一尺二寸額題三行行三字俱正書

大唐功

臣汾陽

鞏縣志卷十八

金石三

四十五

經川圖書館刊

王廟記

祀典曰有功於民則祀之忠於國家則祀之法施後世則祀之由漢以來岩岩乎克當其任者惟汾郭子儀之偉歟華州鄭縣人也天資忠誠與李光弼齊名而能力輔唐室天寶之末盜發幽陵自朔方提孤軍轉戰逐北當是時天子西走唐祚若贅公東西往來前後百戰自靈武河北河南彭原鄜坊河東鳳翔兩京絳州親領兵經行復致平定二十年間身爲天下安危天子勞之曰再造國家卿力也及被圍涇陽以單騎見虜回紇捨兵下馬齊拜曰果吾父也若非墜以至誠焉能致此田承嗣方跋扈魏州傲很無

禮公遣使至承嗣西望拜之指其膝謂使者曰茲膝不屈於人若干歲矣今爲公拜其豺虎所服如此玄宗以收雲中馬邑開東陘功加御史大夫肅宗又以功加司徒封代國公進封平陽郡王代宗不名呼垂泣謂左右曰真社稷臣也乃賜鐵券圖形凌煙閣德宗封爲汾陽郡王尊爲尙事此四朝累增名爵出將入相校中書令考二十四雖唐命方永亦由貫日月神明扶持者哉雖齊桓晉文比之爲褊前後賜良田美器名園甲館不可勝記故史臣裴垍稱權傾天下而朝不忌功蓋一世而止不疑侏窮人欲而議者不之貶富貴壽考哀榮終始人臣之道無缺焉八子七

壻皆貴顯朝廷建中二年六月十四日薨時年八十五噫生而聰明正直沒而爲神芝田縣西南隅有廟存焉父老相傳曰郭令公領兵道經是邑而糧草俱絕徵求於此郡人跪而告曰草可得而糧不可得公問所以人曰是邑之南崗常有妖霧交騰散於田野因而爲災使五穀不登年租之外餘無所得兵遂虛宿於此而翌日公領軍詣此崗之上指之曰四方之亂予皆掃除妖氣敢爲害邪軍還塚而迴自是之後妖氛不復爲災而郡人蒙福年穀豐登而尊其廟貞焉其辭曰

天降忠良 力扶大唐 提領孤軍 自彼朔方 單騎

見虜 圍解涇陽 精貫日明 鐵心石腸 再造王室
兩京復昌 欽惟四聖 錫爵封王 鎮息妖焰 異滅
爲祥 人欽廟貞 千載流光 四時致祭 黍稷馨香
行人瞻仰 古柏南崗

昭武大將軍行芝田縣令兼管 常平倉移刺

文林郎守號州軍判天黨趙 琢撰

鄉貢進士天黨張瑒書丹

維大金歲次癸未元光二年二月十有五日中京金昌府
芝田縣漫流村彭順同男彭澤自備立石

讚成人鄉老傅政

鞏縣志卷十八

金石三

四十七

經川圖書館刊

崧陰石匠張善刊

金主簿邵公高羅漢院題詩石刻

正書

石高一尺一寸八分廣二尺零五分詩
六行行九字前後款識七行行字不等

清明後一日遊

青龍山羅漢院

徵事郎芝田縣主簿邵公高

亂山深處春深處殿閣

參差壓石垣梨白桃紅

寒食節風香雨細給孤

園修廊拂拭看詩句好

景留連卧酒罇幽興此

閒殊不淺林邊歸路踏

黃昏

辛未歲首夏望日監寺僧法玉立石

副寺僧廣圓

嵩陰進士王簡書

張嵩刊

元重修玉仙聖母廟記

正書至元元年題額三行行三字
字徑二寸今在縣東南七十五里

九頂山玉仙
聖母廟

石高三尺六寸廣二尺三十二
行行四十八字前後款識不等

鞏縣志卷十八

金石三

四十八

經川圖書館刊

重修玉

仙聖母

之廟記

清淵聖母太素元君實錄 校勘實錄冲虛大師王

竊聞胚暉之際開闢為先一生二而二生三地法天而天

法道人倫既正仙聖不虛欲窮本源之端先具源流之理

玉仙元君稟太素玉虛玄妙真一之炁誕生於

太古之初按元素經云其 玉仙聖神母者迺太古之神

女也始授龜 虛七變之道道成登天至黃帝時

復降人間托迹于此山 抱元素而生棲真崑洞

玉母遣太初玉女授以

之道精思一十六載

太上賜以紫文丹策命烏紫虛玉英神妙清淵太素元
君乘九鳳雲龍之輦仙從將吏玉 万二千衆迎于

瓊碧之洞七寶大華之闕黃金通明之殿以爲淵白黑二
龍當爲翼衛今白黑二龍潭是也又授以

雲雷十二印章特九色命魔之節佩神虎雌一之劍統中
嶽雲雨掌人間禍福元君首冠九層維 飾以丹瑤玉簪
衣彤雲神載十二流金叉鈴服翠羽飛裙持水晶之瑩穿
黑玉朝真之履凭玉琳之机座紅玉之牀 黃金耀明之
閣以爲燕見聖母之下有水晶宮殿四面巨石圍澄清照

物幾半畝莫測淺深今人多投香紙於池中浮沈以爲吉
凶或有享志不誠雖金玉重器則浮而不沈示生虛顯也
元君稟玉虛之妙秀因号曰玉仙或名曰天仙其玉仙者
分中嶽之秀列三山十洞其池但木葉落水自山禽啣出
如祈禱有堅誠者見紅光若霞或金龍玉魚或五色氣像
狀若紅霓皆爲應化也西方明賽或祈雨澤應如影響近
代京洛之民爲生計所縈官守相制而不親詣者乃立行
祠禱之其驗若神今以 觀 聖母之側有左雷神
十二部右風師十二部以應民禱右部大將居嵩少之間
左部大將居隗具之畔神兵各十二万吏卒三千以爲衛

從 元君出入白龍 右黑龍 左前導十二玉虎浮空
有十二色交花結雲翠玉羅紋之蓋萬四千玉女音樂之
之嘗與 太一元君 會于瑤池 山列例 其建祠立
像朝代不可勝紀或傳云自漢至于唐宋号曰玉谿觀祠
在龍尾山之末

大山前 橋下有玉 水水勢湍急視之寒慄
不禁久立自橋至殿松柏森然殿內塑像三尊中曰
玉仙聖母左曰 姑大仙右曰翠霞大仙與聖母同師此
三尊共治仙府或有久雨霖霖則命司光童子
之霞以 若有專心志恣捨於外事而親禱者顯

其靈驗也則必表其誠矣其 玉仙事實自 及金
相映懷道抱德之流孰存此耶 今有趙公先

生者乃隗西之豪民也幼而慕道長 師宋君真人法諱
忠 以 古 言公謹教門好治方所曾得 玉

仙事實秘于囊笥弗示非人至甲午年間自密之鞏尋訪
玉仙 跡面謁靈祠 庸值壬辰兵革隳廢廊

廡霖露靈像雖存正殿亦乃疎漏狐兔之蹤以 祠逕正
傷感間有鞏邑 民耆老 公羊洎虛 各 科簡
門重陽會下相見喜肯留心乎公曰諾遂衆議也疏 留
縣同保明給永遠住持添修香火祝延

聖 爲此將領徒衆自執 棟梁經之營之不日
成之以致正殿兩廊抱 三門并孫仙 內外塑像儼
然重新剏構鐘樓一所或曰成功之石不亦可乎曰兩挾
東宮有所未完 孔子曰譬如爲山未成一簣止吾止也
然則存心 可也 尙慮興廢有時災祥 變恐 玉
仙故事久而湮昧使後繼之者惑於根源也於是出示秘
文囑 校勘勒石 舉代名不泯焉其嵩嶽附山乃洞
天福地也宜將聖跡刻于金石輒陳數字以待後賢不亦
可乎 讚曰

神藉人靈人仗神祐人神交感影響昭彰又曰道假人弘

人憑道立既處福田雅宜修葺 百成功 四方供給
金石著名

皆大朝至元年次歲甲子十一月黃鐘朔 日石匠張義
書丹人正真子梁忠正 化緣功德主

高上神霄玉清玉府左典寶宣授中嶽提點玉仙廟主普
化法師趙志山 河南趙通事

前 官 縣令元帥賜 張 主簿張 都節給
張提控趙 趙八 女冠張

都節級喬秉道周節級

晉節級孫

康寶道王節級張節級金

昭武大將軍

元帥徒單

小元帥徒單

元贈清河郡公張思忠碑

隸書至元三年宋本撰吳炳書
泰不華篆額今在黃冶西鎮

碑高六尺六寸八分寬三
尺七寸五分厚一尺一寸

公諱思忠字誠之解人今家河南鞏縣大父金時爲解之
鹽官父爲嵩州安撫使直言迂時貴退居于家國初尹鞏
後贈嘉議大夫禮部尙書追封清河郡侯公弱不好弄沈
厚寡言笑羣兒招之戲不動在長者側進退如成人少長
隨諸兄入學舍兄之師愛其惠教之讀孝經模字見其卽
無造次怠忽意因謂禮部曰兒必以儒名家長益刻意于

學天兵圍樊城爲倉官軍中兵食不乏調嵩州司草監以
其陪客戕民遂棄歸不復仕性仁孝親疾色憂晝夜侍嘗
湯藥不少離兄思信從軍襄陽音問不至者三月父母憂
思廢食公徒步山谷間往問安否以慰其親里中父母戒
子弟不率者必曰獨不法張氏子耶每與兄弟言昔人宗
族有十餘世同爨者何今之俗不古者也由是兄弟感動
終不言異居鄉閭或貨物授之衡量俾自權概償而不足
夫不較不能償者樊其券宗族鄉里貧不能昏葬者皆有
助視親疏厚薄爲等設教子弟讀書錄蘇文百餘篇授其
文法暇則與鄉之士賦詩飲酒爲樂人情翕如也鄉人有

爭競不訴之公府而以是非質公聽公勸戒而退其信於鄉里如此以至元廿七年四月廿七日疾終於家壽四十九至大元年二月葬雒水之南青龍山後先塋之次累贈中奉大夫河南江北行省參知政事清河郡公先夫人薄氏繼蘇氏皆有婦德并追封清河郡夫人子男三人曰毅通奉大夫江淞等處行中書省參知政事前二代得封皆以毅貴也曰規曰弼承事郎宣徽院昭磨女二人俱適同邑郝氏孫十人曰惟敏亞中大夫河北河南道肅政廉訪副使曰惟賢禮部令史曰惟則國學生及庶曰惟正曰惟遜國學生餘幼未名女十一人長適總管李公之子次

適縣尹楊 次適大祝任 次適參政王敬父之子次適同郡魏公宣慰之子餘幼在室予交副使父子間舊矣副使出公事狀求銘神道因得論之曰古以鄉三物教人教固將以變氣質然欲萬民皆知與仁與聖義中穌 不能行若藝雖使萬民皆能之可也然藝之可傳者後世又盡廢則惟六行苟又不能盡詎不可哀惜哉故其制刑不紕德藝之不盡獨及其行謂可力不力耳予觀張公所踐皆孝友睦婣任恤之事於乎若公者古之遺民也是宜表章之銘曰

鞏之縣惟豫之何篤張公挺生其中公孝恤應周之物居

于今追古之風詎不試藐倉庾吏公有子式顯以仕干有
適以宦王國公之生弗寶以興既不祿迺錫章服責諸天
猶屈之信維之南青龍之陰公之宮厥丘斯穹或乘騎其
式勿馳或樵蘇無涉其區銘之石聿彰隱德俾鄉人致敬
其阡固弗止惟後昆示

中大夫禮部尚書宋本撰

翰林待制從侍郎兼國史院編修官吳炳書

朝別大夫僉河北河南道肅政廉訪司書泰不華篆
至元三年歲次丁丑三月男通奉大夫江淊等處行中書
省知政事毅立石道

鞏縣志卷十八

金石三

五十四

經川圖書館刊

元贈清河郡公張思忠碑

行書至元六年庚辰九月歐陽
玄撰巉巉書張起巖篆額今在

黃冶
西嶺

碑高九尺寬三尺五
寸厚一尺零一分

元故贈中奉大夫河南江北等處行中書省參知政事護
軍追封清河郡公張公神道碑銘

翰林侍講學士通奉大夫知制誥同修國史臣歐

陽玄奉勅撰

奎章閣學士院大學士資政大夫知經筵事臣巉

巉奉勅書

正奉大夫侍御史臣張起巖奉勅篆

清河公姓張氏其先解人也今家河南鞏縣子爲中書參議公贈集賢直學士大中大夫上輕車都尉追封清河郡侯子累遷江浙等處行中書省參知政事公進贈中奉大夫河南江北等處行中書省參知政事護軍追封清河郡公及其孫爲吏部侍郎近臣爲之奏請于上有勅翰林侍講學士歐陽玄撰公神道之碑以賜惟公贈典致以子賜碑致以孫若享自然之福而膺身後之名者徐考其行事則二者之寵皆公所自致也子若孫致位于斯其致亦以公也公之父仕爲嵩州安撫使張氏宦業在嵩州矣以直言忤時貴常退而不居少署司竹監嵩州遺澤在公矣公

以其厲民又退而不居是仁人君子之爲心也張氏再世有仁人君子居之此子若孫之所以致今日者也公諱思忠字誠之幼靜重簡默羣兒靳之不爲動侍立長者進退如成人稍長從諸舅入學舍先生見其蚤惠授以孝經使做書公授教卽能無苟且意先生謂其父曰 子他日必以儒起家浸長果日嗜學不倦弱冠王師圍襄陽調庾吏給營中糧備不匱改司嵩州竹課甫壯年獨不樂爲苛征棄去不復仕性孝友親病晝夜不解帶兄從軍襄樊三月書不達親憂之公徒步至兵間不避鋒鏑卒獲安耗歸寧其親然或道遇螻蟻必迂步以避之惟恐其踐及一日謂

其兄弟曰古人有十世共舉火者今何爲不然得非俗之
不古歟兄弟感其言不敢謀析處鄉鄰族姓貧不能婚葬
親疏戚爲施無不有所周卹人有歸其貸貧者付之量衡
使自均其輕重隆殺爲報其不能者輒致之劑遠近以急
爭見質隨以理譬析之往往弭怨家居隆師教子尤好眉
山蘇公文嘗手鈔百餘篇授諸郎使矜式暇日從賓朋觴
詠自樂耽視世態泊如也至元廿七年四月廿七日終于
正寢年四十有九以至大元年二月望葬洛南青龍山之
陰之先隴嵩州公諱恩金季官爲元戎以讜論與達官齟
齬勇退于家王師徇河南主帥聞其賢版以故職力辭已

乃爲嵩人所歸未幾改鞏令有仁政號張佛以孫貴累贈
嘉議大夫禮部尙書上輕車都尉追封清河郡娶王氏追
封清河郡夫人生子男四人公其三伯思敬初襲鞏令歷
鄆陵沁水洛陽大名鄒平五縣江陵總管府判官知均醴
陵兩州同知揚路總管府事所至稱良吏壽八十一終仲
思信以百夫長從征合州襄陽以功拜管軍總把遷上千
戶佩金符屯洪澤田以老思孝不仕以善人稱于鄉公先
娶薄氏繼蘇氏皆有淑德並追封清河郡夫人子男三人
長曰毅卽江浙參政偉器雅望歷踐華貫爲時名卿引年
閑居福壽鼎盛次曰規曰弼弼內正司照磨孫男八人惟

敏卽吏部侍郎博學擅辭藻居官練達國務有父風惟賢
有文聲有工詩辟掾吏部蚤卒御史宋褰爲作張才子傳
弟惟則亦早卒惟中惟一惟遜惟正惟權仕學俱進未已
孫女一人曾孫男五人曾孫女三人先儒有言曰稱人之
善必本其父兄厚之至也豈獨朋友交際之道爲然人君
之御羣臣於其先世所以重追往之典者要以爲厚之道
也厚之極致則贈典之外繼之以賜碑焉玄代匱詞垣屢
奉詔銘諸臣家先隴思昔魏晉君臣以海內彫弊禁厚葬
立碑而終莫能制當時有爲弟作表德論刻之墓陰曰祇
畏王典不得爲銘嗚呼陋哉晉魏之爲政也今玄以

天子之命銘天官之先祖而特著斯言者以人臣封贈碑
諡古掌於天官使知國恩之厚固前代之所罕得也又因
以告夫他臣之受是恩者相率以厚我國家之報不其躋
歟碑未立惟敏由吏部遷中書左司郎中銘曰

張氏之業奮自嵩州將翔而戢直與世齟吏于天朝初命
而俯鞏縣之善桐鄉之腆有蓄不施實鍾在公公曰尋仕
毋府辜功公征于野有竹如簣公休于家算不遺原隰哀
矣言張其兄我志則勇違邨有兵遭螳于途卻步踴踴我
心則仁是用不武維此張氏載集載騫自晉再遷及此蟬
聯彼木十圍枝葉旣蕃雨露所澤反注本根下踞九地晝

夜轉輸枝葉不瘁國有壽駿驄車於梁展也有孝德厚流光又有蓋臣爲王宰旅乃祖乃父詒厥譽處從臣以聞當宁賜允詞臣作誄百世無賈洛水之濱神道如砥勅文貞石負以龜趾

元張忠肅公先塋碣

圓首在龍尾嶺距其墓碣半里

高七尺寬三尺四寸厚八寸五分

贈推成翊正贊理功臣正

大奉大夫河南江北等處行

元中書省參知政事追封河

南郡公諡忠肅張公先塋

鞏縣志卷十八

金石三

五十八

經川圖書館刊

至正二十七年歲次丁未九月吉日集賢侍講學士中奉

大夫次男

建立

李良才鐫

右碣正書四行行十字字二寸許年月一行行三十四字大寸餘

元張忠肅公墓碣

高三尺五寸五分寬二尺一寸二分厚七寸圓首正書二寸許四行行八字在龍尾嶺

故考推誠翊政贊理

功臣正奉大夫河南

行省參政追奉河南

郡公張忠肅公之墓

元鞏令王公德政碑

大德七年今在洛口鎮外口仆

碑高四尺一寸三分寬一尺八寸厚六寸三分

王公

德政

之碑

鞏縣令王公德政碑銘

為政之道在乎立身修德以清廉為上以果敢次之非清
廉不能節用愛人非 能興利除害寬猛相濟其政
方能立矣有能如此為 王公乃其人也公諱翱字飛
卿 人也自大德四年春來臨是邑人曰鞏之為邑也

鞏縣志卷十八

金石三

五十九

經川圖書館刊

山地

山水占其半

又當東西要

繁民寡前令

到任者莫不以始之為難公當小心翼翼可也公笑曰是
何傷哉 可治也古之人有言曰不遇盤根錯節安知
利器哉由此觀之則公之所養可知矣是故禮任之初首
禁家人次及諸邑公人不致擾其 庶不 私謁不受饋
獻見老者敬之遇 者尊之處官事如家事科差必至於
均平迎送須為之謹恪勉 矣勸農尤為謹也春
省 不暇其食秋省斂常 其 至於山谷河 不避艱
險亦俾之 修德日新民感之近者悅而遠者來
前有 者今乃還之折獄明敏不致停囚或

或憲司其獄有疑者皆委而決之民畏之其訟乃
稀矣懲惡有威懷忠率衆捕之其攘竊者莫
不驚而其自是而後民皆樂之行者歌之於
途息者安之於口北及三年民皆富足亦知禮樂不必更
俟君子俄而瓜期至矣於是獲代百姓聞者愕然不樂其
心皇皇焉蹙額而相告曰

朝廷奪我父母何其速耶衆乃不期而會於內耆老爲最
者劉德直王慶等謂其衆曰公之於撫字之思其實
厚矣興心欲報百計無由我等欲勒其碑播名於後則如
之何衆乃對曰哉言乎之志乃同也但願

力而爲之於是爲文予寓鞏之久矣之
予雖不才慨然爲之又因民而作其銘矣銘曰
令尹之政既且方或能反此民受其殃公臨
於此作止其藏當柔且柔剛卽剛隨時而應
不爽紀綱宣揚不足乃祝隆昌願公之壽等松
蒼蒼願公之高列中堂祝之旣懇猶恐遺忘
故鐫千石 万古彌彰

大德七年七月 洛 卍德 直王慶等立石
鞏縣儒學直學趙範 石匠

杜興

孫義

黃聚

王偉 王忠 孟和劉順

王清 黃信 路德李順

陳里正 里正馬俊

李青 張 社長董順

曹順 李興 主首孟成

陳善 朱成 主首党全

劉 党義 醫工宋林

張愛 楊潤 醫工耿忠

侯青 張 澤州陰陽提領申郁

杜成 王成 機察利用

鞏縣志卷十八 金石三 六十一

楊山 劉成 党福

王青 坊郭典史彭震

石関保李榮 官提領李

元恒齋記 正書白居易敬撰任弘書在縣南三十二里蔡莊三官廟前門簷下東偏北壁

石高二尺廣二尺三寸五分三十一行行廿四字

恒齋記 書丹門生任弘 刻字張楫

天之至大者元亨利貞四時行焉以其輕清之氣上下周流而無不包也地之至廣者飛潛動植萬物成焉以其重濁之質博厚洪涵而無不容也乾健而能闢坤順而能闔動靜無端陰陽無始循環而不可已者以其恒久之理不易

故也人物生於天地之間稟賦氣質品類雖各不同恒久之理則一也以德言之君之恒者仁也臣之恒者敬也父之恒者慈也子之恒者孝也與國人交之恒者信也以及動靜語默之際無不有恒也恒其德者循天理絕人欲凡百所爲無非天理之常以至作聖爲神皆由有恒以致之不恒其德者循人欲絕天理凡百所爲無非人欲之私以至殞身滅性皆由不恒以致之以其有恒者實難其人故夫子歎其未見也噫非資質之美學問之博涵養之熟者不能然予嘗諸論之鞏城

吳公子英先生稟氣溫雅賦質和厚幼而業儒涵養有素豈非恒德之人乎然而學問該博操守堅定不求聞達隱於芝田之東嵩山之北青龍之下卜居蔡里樂耕耘耽經史修德不回誨人不倦鄉里中俊秀者以及長幼莫不拱手聽教師事之乃能誘掖後進稱揚賢善不爲勢利所拘不爲功名所累優優自在綽綽有餘自幼至老不變所守非有恒者其能若是乎一日先生囑予以名其齋於是考先生之實以恒字目之衆皆以爲可因號焉故不免爲之記以略言其實先生之行非此能盡然又安敢虛譽也皇慶壬子中元日嵩山白居敬謹記

門生 馮裕 傅良弼 傅楫 劉恒 劉旻 王士安

趙大同 趙煥 傅公輔 馮寧人 王克治 仲

武 王貞 王 趙安禮 吳忠 趙繼祖 趙友仁

」 吳 王德 王

醫士郝 劉 漢陽人 楊晟待 張玉

耆老傅元 郝陽 王 守忠 吳 德 趙

王信 王 馮善 馮 趙 劉

王良

鞏縣 司吏王彬 登封縣區河務副王受益

鞏縣 人治

元住持秀公塔銘

正書延祐貳年今在縣西南三十里小訾殿景雲寺西廂簷下

鞏縣志卷十八

金石三

六十三

經川圖書館刊

石高二尺廣同厚七寸銘題二行行六字圖款不等

住持秀公都

普照大師塔銘



元菩提禪院住持欽公塔銘

正書延祐六年今在縣南六十二里凌溝菩提寺東廊內

西壁

石高二尺二寸寬一尺八寸二十五行字

鞏縣菩提禪院開山住持真悟禪師欽公塔銘

并序

宣授當代崧大法王寺住持

龍巖野衲撰

敬授大王令旨前本縣都司講經論沙門白蓮蘭若

松崑書

實際理中本無生滅之名幻空界內遂有去來之相至人應現觸處無心洞子真源弗存彰迹爰有真悟禪師欽公者鄭圃密縣王氏子也賦性仁賢天資重厚自志學之年

父母捨送本縣法海寺出家禮進公爲師訓名永欽適值大兵南下民不遑師乃避亂渡河北遊後詣京師遇聖元世祖啟資戒會躬受度牒已而挈徒寶智遊歷四方參訪知識於雲門雪齋席下入室問道角出倫輩未及一載得安樂地茹桶底脫蒙賜印可齋乃囑曰汝可徧參勿於斯住由是河南無所不往惜乎雪齋未詳承賜何人住持何刹不可得而知也後至河南之鞏城羅口保鄉耆敬師道行超卓命住崧蔭白雲庵一屆所屛喜不自勝此實山僧終焉之地於是朝苦暮勤整廢基於瓦礫堆中手胼足胝理舊地於荆榛叢裏咸衣食之所須克力作之費用堂殿

梢新農桑僅備晨香夕燭仰答 皇基寅粥午茶接延雲
水幾四十年矣本分事外尤精醫術洞達聲名一日忽示
微疾索紙筆書偈曰不剃頭不洗面臨行與君通一線扇
子踈跳遇新羅撞破虛空十八片就書五字後事付寶智
擲筆右脇愍卧猶熟睡視之已去年時至元十九年龍舍
壬午孟冬十一日也小師寶智茶毘收師窳骨塔于寺之
西南隅命予敘而銘諸予不揆荒蕪恫其誠懇乃爲之銘
曰

實際理地 本無 塵 幼空界內 有去來今 師生
于密 族本王氏 宿植妙緣 悟明真智 志學之年

舉措仁賢 父母捨送 法海金田 蒙准披緇 遯齋
罷問 了三句機 得一字印 尤精醫術 洞達聲名
接延雲水 普利羣生 瓦礫堆中 荆榛叢裏 開懇
荒田 經營廢寺 蓮宇未完 遽返先天 遺言付後
寶智踵前 壽終七十 緣化云畢 遷而非遷 崧高
岌岌 門人募工 建塔西隅 任勞海變

延祐六年七月日

師孫福定等立石

門徒寶智 寶善 寶超 寶慶 寶淳 寶喜 寶滿
元重修文廟記 佚

至治二年翰林直學士山東道宣慰副使薛友諒撰中

大夫河南府路總管兼本路諸軍奧魯總管管內勸農
事劉郁書按記稱皇慶癸丑田宰瑞創起 大成殿三
楹未落成李茂梁仲郁二公繼嗣其政竟無完功延祐
七年十月新尹中山張瓚下車云云粗備修廟顛末故

登之 己酉志

元羅漢院住持雪堂塔銘

正書至治三年今在縣南羅漢寺大殿後壁上

石高二尺五分廣一尺四寸銘三行字字徑二寸前款二行後款四行字俱六分許

嵩崧蘭若小和性仁書

洛京 石匠都料

弘三藏教領臨濟宗十八世

鞏縣志卷十八

金石三

六十六

經川圖書館刊

特賜榮祿大夫司空佛慧

圓鑑雪堂大禪師 塔銘

皆至治三年六月

建

智 寺

广提峯喜首座

海之藏

住持羅漢院

立石

右銘前後款識因搨紙濕暈多難辨認

元曹公墓碑

正書至正十一年今在縣東魯村西原

碑高六尺寬二尺二寸五分厚六寸八分額高三尺四寸寬二尺七寸

有元贈亞中

大夫山東道

宣慰司副使

曹公墓碑銘

有元贈亞中大夫山東道宣慰司副使曹公墓碑銘

大夫監 御史 木撰

從仕郎大^β河 等路

至正四年歲甲申正月山東道宣慰司副使 公卒年

夫人 夫 介

持公事狀請銘于監察御史任栻泣致辭曰先宣

聞起家以 位通貴 嗣 逝念其

鞏縣志卷十八 金石三 六十七

經川圖書館刊

以顯親 此空十四格無字

上不文諸石表墓遂俾其行能泯焉無聞于後未亡人何
以見之 以 大夫 見推鄉閭 之

莫御史若者願丐文焉祈毋讓愚惟公父執
也存也從操几杖歿也訃聞 及以 既

事又不忘 久 其用情若此於

義不容苟辭乃謹摭實而書之公諱鐸字振文鞏縣其

知廬州 母王氏贈譙郡君公姿誠篤警

初學卽求致用雖細事不苟作長試 爲刑 椽轉徽

政院椽史選授章慶 改將作院照

磨迨錄積勞及 度支監經 以能選知益都路滕州
至卽觀于學則廢教謁于 宮則隘陋

荒剝不 崇報意悉爲宏大嚴飭之令其民

有所興感戒其儒暨鑿陰陽家之師若徒使各振業焉農

則課督以時幽隱咸燭 告必 同 恆浮 趨本

德綏誠 政舉而人安焉有寇日它境匿兵合騎微服聞

行以物色富室凡十二人吏不能辨公行縣方隱 浮戶

公 察 遁去公率邏卒悉迨擒之憲司嘉其治

行上於 朝權上都留守司判官兼開率

府推官加服金紫無幾民悅盜弭刑清 立遷知府沔陽

豫以懸章告老歸休于家年七十有三歿 子思禮暨

幼孫一 夫人陳氏先公卒今夫人 氏其繼室也

守禮睦族敦尚節儉居室營業視公在有加於公塋門柱

儀像製石准制畢具確碑已久俟勒焉嗚呼賢矣哉惟公

有猷爲而牧以謙抑質精悍而將以篤厚辭氣若恐駭人

而當公議必閭閻不自隱輿頌推美藉甚有不待紀錄而

後傳者而夫人於媵獨失依之後能益裕其家不殄世祀

又能思揭公善圖 無窮侯之存 一無憾矣鄉邦觀慕

弱振懦強將不惟 曹氏見俗其歸厚矣乎然後昆不可

無示斯亦有待乎銘銘曰

曹繇叔封 著史國風 世有聞人 公克承宗 姬

京圻 公實生之 出牧立朝 厥聲四 興化成務

姦革人嬉 寇畏公逸 擒盡于襲 刑措 俗易

滕 以謀 所 及續 告休沔陽 有未及

逢辰膺仕 既顯而壽 有巖玄 其儀孔 挺

蹲 時祀以厚 矯矯遺嫠

頌言洋洋 我辭匪良

大元至正十一年歲在辛卯冬十一月

立

右碑額篆四行行五字文二十二行行五十五字前後

款字不等

元贈清河郡侯張恩碑 正書政和元年曹元用撰張珪書郭貫篆額今在黃冶西嶺

碑高五尺二寸寬三尺三寸八分厚八寸額高二尺八寸

大元故鞏縣尹贈嘉議大夫禮部尚書輕車都尉追封清

河郡侯張公神道碑銘

翰林直學士奉訓大夫知制誥同修國史曹元用撰

翰林學士承旨榮祿大夫知制誥兼修國史郭貫篆

光祿大夫蔡國公知經筵事張珪書

河南廉訪使張毅將赴江浙行省參知政事為其祖清河

郡侯徵銘于元用謹按其行述侯諱恩字 張姓解梁人考於金季嘗司解鹺今逸其名妣景氏侯生於承安二年仕至嵩州安撫使豪猾憚伏州境爲清以直言忤時貴退處鄉里天兵定河南主帥聞其名俾仍故職辭不獲迺起視事嵩 稍稍歸來改尹鞏縣剪榛棘以立縣治撫摩彫瘵政簡役均遂益以富庶使者旁午驛舍或不能供億則鬻家貲爲具以進民有訟者輒諭之曰爾不孝弟力田迺譁競若是耶其人多慚沮而退傳相告戒弗敢易以速訟或不得已而刑人則對之泣下人目爲張佛以

年 四月十九日歿享年七十有八以至大元年二月

望祔葬鞏縣南青龍山北先塋之次後以孫毅貴贈嘉議大夫禮部尙書輕車都尉追封清河郡侯配王氏清河郡夫人四子思敬思信思忠思孝一女適党氏思敬初襲尹鞏改洩鄆陵沁水洛陽大名鄒平凡六縣升江陵總管府判官知均州知醴陵州同知揚州路總管府事皆以善治顯大名歲飢輒發廩以賑謂同列曰救飢如解倒懸若需郡報則道其殫矣苟以專擅獲戾吾其獨坐先是江陵水漲則漂沒瀕江廬舍乃急築防防完而水大至民免於昏墊均州壤瘠民窶諄切勸之耕耨遂爲樂土醴陵俗健訟誣訐人罪率以貧富爲勝負迺先屏豪橫而後理其餘其

爲政大率多類此享年八十一娶韓氏生獻以蔭補建德主簿思信始以百夫長從政蜀攻釣魚山冒矢石陷陳授忠翊校尉管軍總把攻襄陽擐甲先登墜而復上者三矢貫甲中股竟執俘以還昭信校尉佩金符管軍上千戶行師不妄殺得賞賜以分族江南平屯田洪澤二十澤以壽終娶楊氏生詡嗣職思忠嘗署司竹監惡其掎斂殘民棄而歸養築居山間勗子弟爲學樂施與周人之急如不及鄉里有假貸物者授秤斛俾自取之兄思信軍襄陽杖策崎嶇往問安否以慰父母心室無私藏纖悉傾取給尊長性慈仁道行遇螻蟻必避享年四十九以子毅貴累贈中

奉大夫河南江北等處行中書省參知政事公娶薄氏端潔莊敏治家有度再娶蘇氏亦有淑德並追封清河郡夫人生毅規弼毅薄出也屢佐政府有能聲翕然爲一時所倚注規不仕弼祕書管勾毅生惟敏惟賢惟敏中書省篆惟賢家令司令史皆文而習於政思孝鄉邦以善人稱享年七十有五娶齊氏金氏生七男燹恆

鳴

呼盛矣哉鄉侯之後多賢也蓋其藝豐德厚衍于其躬用之未能旣厥蘊故溢諸遺裔承体迭興森乎其未已也因爲兼紀其實而系以銘曰

克威克愛 布政有方 繫鞏之尹 惠澤其霽 位弗

德充 庸罔或既 庸罔或既 在厥遺裔 遺裔詵詵
孔武而文 聯輝競秀 有燁其勳 譬彼源泉 爰渚
爰匯 醜流湯湯 迺萬斯漑 沾沾薄夫 朝盈夕涸
餒厥家兒 宗祀靡託 侯也雍容 繁祉攸藪 胙以
大郡 侑以 宗 延慶四世 彌隆而熾 噫嘻休哉
其永勿墜

致和元年 月 日自中奉大夫江浙等處行中
書省參知政事嗣孫張毅等立石

明重修慈雲禪寺碑 正書天順四年虞廷璽撰楊銘
書今在縣東南慈雲寺中立

碑高六尺八寸寬三尺零七分厚七寸
二十五行行五十字撰書銜名不等

重修青龍山慈雲禪寺碑銘

黃河之南去鞏縣四十里有山曰青龍山之爲勢穹窿高
聳玉潤雲翔有若龍盤之狀昔宋太祖因山而陵遠取諸
象故葬于青龍山之陽卽此山也夫有名山勝跡必有古
刹建於其間在漢明帝永平七年有僧摩騰竺法蘭始創
白馬寺於洛陽城東旣而雲遊此山因其山川之秀遂開
慈雲禪寺故其山如滿月之形水曲銀河之派內藏玉兔
外列金象東有黑龍之潭右有獅子之嶺南現鉢孟峯有
祖師降蛛之處二老談經之所其他奇峯峻岫疊嶂層巒
壁立萬仞者不可勝紀至於三藏禪師奉勒重修莊嚴寶

地自茲以往或興或廢修置不一迨夫我

朝正統甲子歲有僧南宗順浮杯越海而來發心修造輪奐聿新既而歲月屢更風雨頽圯碧飄畫棟折垣牆坍塌所存者惟殿址屋基而已使佛無安棲之域僧無歸向之心狐兔縱橫虫蛇駢集丈室變爲民間之田浮屠轉爲柱下之荒煙礫鞠爲丘虛但見樵見牧豎往來其間行道之人莫不心惻適有覃懷施主廣明秋月居士等發慈悲心圖復興意大夫而禮請而來上人覺順誓心修建不憚勞苦乃卓錫鳩工大展山門而成無量功德故創始於景泰乙亥秋落成於順天戊寅夏中建大雄之殿

轉爲廊前後有廡樓閣崢嶸齋堂整飭飛甍複道琳館珠宮方丈有室廚庫有房黝堊丹漆金碧交輝內塑諸佛千尊水陸百座可照神像粧理咸備大小僧房不計其楹工料所費千萬餘緡自非覺順德行清修功夫績密勤於榦濟者疇能成茲大事於深山幽閒之境禪揚佛教於清淨寂滅之鄉雖遠公之住廬山達磨之居少室大顛之臨南海其勝會叢林亦不多讓也是固宜銘其銘曰
雲山蒼蒼在彼高岡名曰青龍負陰向陽水環鞏洛地接嵩邙中有梵宇創自漢唐或興或廢修建不常廬山嶺秀曹溪水香適有上人得得西方來遊來止感慨心傷黍離

烏鳥頡頏發心修善誓立道場不畏寒暑豈憚風霜
徧千檀越廣施棟梁經之營之峻宇雕牆諸佛有殿衆僧
有房祖風是務佛日增光少林共祖白馬同鄉香火供養
鐘鼓鏗鏘爲
國祝釐與民降祥

皇圖鞏固地久天長鐫

碑紀事千載留芳

賜進士第中順大夫河南府知府漢中虞廷璽撰

朝議大夫廣東左參議洛陽楊銘書丹額

大明天順四年歲次庚辰四月丁未朔初六日壬子住持

僧順南宗重建

鞏縣志卷十八

金石三

七十四

經川圖書館刊

明重修五嶽廟記

存嘉靖四年
三月趙迎撰

石高廣
未詳

重修五嶽廟記

鞏縣羅口里登
壬午科進士

趙迎撰

由東周而上逕宋陵南隄東里有五嶽廟枉道而拜焉詢
其創始復興之由里之耆老耿彪李玄等言曰廟之創初
久矣吾鄉世謹其祀每獲感應之庇昔寇賊擾境鄉先生
費府率里中子弟而禦之神顯法像于營陣之表遂使賊
虜褫魄而退時亢旱殊甚虔禱方興霖雨輒施歲賴以稔
顧其久而廟貌頽圯費公乃倡我輩慨然而言曰神爲吾

鄉之庇也久矣不知其報可乎知報而坐視其頽圯可乎且曰選材木以修葺之固也然孰與夫石之堅耶遂施財協衆登山選石越澗谷上下山坡不憚勞費謂棟以木也易朽以石爲棟謂楹以木也易傾以石爲楹謂牖以木也易壞以石爲牖爐以陶也易損以石爲爐五閒以示大體重門以示謹密固將爲綿久不拔之計悲夫功未成而費公已卒彪等復率里人踵其規爲以竟其功是故壤之蕪者薙地之窪者夷級之缺者甃像之衰者繪老者喜其復釋者駭其壯遠者驚其異近者賀其新是役也經營於嘉靖元年之秋逮四年春厥功告訖乃祀彪等追感費公作

始之善囑余以紀其成余謂功之成信若言矣而厥功之奇之義益有不容於泯者因爲之繹而復曰作廟者其知道乎廟以石以義起之也而鄉約爲之祭焉非僭也因其地也夫何故五嶽之神載諸祀典見諸會要其加號曰崇聖中天王曰仁聖天齊王曰順聖金天王曰司天昭聖帝曰安天玄聖帝是則天下之神莫正於五嶽五嶽之神莫尊於中嶽是地也居嵩山之麓適五嶽之會廟之建有以也夫然山者石之積神者嶽之靈枝必類本響必報聲以嶽之石報嶽之靈固其所也禮飲食必祭祭先造飲食者也蓋以吾之所以享此者斯人之力也矧五嶽爲國家之

鎮祐而此地適在於懷抱之間食其土享其利受其庇皆其力也享祀之舉適彼瀆淫祀而無益於人者其孰得孰失可知矣諸君其勉行事無憾彪等曰諾且請書其辭于石并記歲月之始末云

嘉靖乙酉歲季春

明趙公嵩洛暨配王氏墓誌銘

出土今在稍柴務趙氏家

石高二尺七寸廣同厚六寸蓋中四寸五寸邊三寸

大明故奉政大夫山西按察司僉事嵩洛趙公安人王氏合葬墓誌銘

賜進士出身奉直大夫雲南按察司僉事前戶部廣

鞏縣志卷十八

金石三

七十六

經川圖書館刊

東清吏司員外郎武昌年侍生楊儒魯撰

賜進士出身亞中大夫尚寶司卿前刑部浙江清吏

司郎中貴溪年侍生江以朝書

賜進士出身通議大夫都院右副都御史前大理寺

左司丞平定年侍生朱方篆

河南府鞏縣趙嵩洛公余丙戌同年也歿之日諸子尚幼其姪庠生趙鳳來持行狀親詣余曰吾叔於公有年誼請爲之銘余曰嵩洛公志士也歷官素有才名而節概表然可尚爲余年家光余牧茲土承教慶尤深 不容於辭

因按狀公姓 諱迎字汝賓別號嵩洛主人世居鞏縣曾

祖考諱麟妣李氏祖考諱鐸比高氏考諱璠任慶陽府推官贈南京工部營繕司主事妣符氏適符后之后贈安人公於弘治五年十二月十一日 于縣西 之第年十五入縣學治詩經有名嘉靖壬午中鄉試之丙戌登龔用卿榜進觀政吏部丁父憂歸里繼丁母憂服闋於嘉靖辛卯再赴吏部除授南京工部營繕清吏司主事修完御製神烈山碑亭尙書何公薦云節省民財勤勞可嘉於壬辰分司真州時糧運不通公于閘壩啟閉有節糧運大行國之財賦充裕皆其力也明年

誥命褒封隨轉北京刑部雲南清吏司主事又明年陞本部江西清吏司員外郎理刑治獄屢爲尙書襦服又明年奉

勅山西提刑按察司分巡口北道督理糧草禁革奸弊習知戎務巡視邊疆邊疆寧一豎碑刻詩詩云經略長城繞北荒三川漠漠草茫茫旌旗蔽日風雲變鞞鼓開山士馬強不覺聲威振天外庵觀殺氣掃邊疆英雄勢壓崑崙頂多少胡兒遠遁藏御史周公薦云稟性剛方深達乎事體用法平恕允宜乎人心於是皇上賜白金五拾兩以旌其功先于刑部僚屬不法誤望公名添註南康府通判撫按委政刁邑土豪土豪屏跡都御史王公薦云望名以蒙左

遷益深創艾之念承委以署刁邑大展搏擊之才御史謝公薦云鋤擊豪強善政累徵于攝縣勵甘清苦初心不移于謫官嘉靖壬寅陞冀州知州立法惟嚴興廢舉墜革弊除奸爲北狄猖獗乃招集鄉夫修城防禦四十五日工俱完備士民感其保障磨石刻碑以紀其功且數年蝗旱民不聊生公至裡禱俱不爲災四境民庶方以雲霓來蘇幸之而屬縣官吏乃以貪殘不遂怨焉由是法 容情觸犯當道不容隱歸田里日以教子孫爲事及鄰邑生徒願學者輟講餘閑嘗以河洛圖書數學講究暨古名將兵法演看時邊患數驚自負氣節豪雄勇敢籌無遺不能爲國倣

忠城邊遂鬱鬱不樂則曰天下事皆吾分內事今若此不幾於虛生天地閒哉悒惋憤 偶得一疾數日不起卒于正寢名非爲國而死實爲國而亡時癸卯十一月十八日也享年五十有二配王氏封安人克宜室家內外咸以賢孝稱先一年歿子五長鳳梧太學生娶康氏次鳳桐太學生娶藺氏次鳳至邑庠生聘康氏次鳳呈鳳官俱幼女三長適御史景公男庠生景昌肩其二俱幼孫男一孫女一亦俱幼公剛介正大本之天賦外貌朴實內性沉穎自少至老晝夜嗜書殆忘食寢對客臨下色愉言和當官侍上略無諂容以此獲罪當道鄉曲方以望重範俗而臻有上

壽遽止于是惜哉所著有範圍分類書若干卷行於世嵩
洛詩文集若干卷藏于家嗚呼公之器識可謂自成一
家矣儒魯素忝年契始牧茲土道經嵩洛之間因訪公而
獲拜于望嵩觀洛之堂乃公之創建立名以樂閑者也
然後知公之所號可謂斯名稱情者矣會晤累日情真而率自
是音問不絕詎意別僅一暮而公竟不可作耶兆卜稍柴
祖塋之東葬安人王氏至是公卒葬之期則甲辰年十一
月二十五日也銘曰

嵩斯英洛斯靈稍柴毓厥生玉斯立松斯貞無忝乎斯人
莫究厥施莫永終命豈吾道非維天之命俄問日折若高

風常存嵩斯古洛斯春

石工柳州鐫

明霍公暨配王氏合葬誌

出土今在芝田鎮霍氏祠堂

石高一尺九寸廣同厚四寸二分蓋中同邊一寸五分

勅贈儒林郎霍公暨配太安人王氏合葬 誌銘

賜進士第翰林右春坊右中允盟津養生覺四王鐸

撰

賜進士第吏部考功司郎中西毫養生心矩張其平

篆

賜進士第行人司右司副永寧養生王調張鼎延書

按狀公平越衛世襲千戶敏之後裔也世居東周延及中
葉出公父諱時亨生子男雁行六公居三諱體禮字汝嘉
後峯其別號云資性岐穎手骨魁磊嬰時敦謹弗嬉戲方
領矩步動若老成人抵長業儒弗就力穡貿遷拮据王事
邑大夫高其行能輒優旌之恤姻睦族人有憊乏卽捐貲
周活之無恡惜二白在堂承顏順事待伯仲不啻墳簞課
兩儲以詩書授外傅弗緣寒燠閒功程局未結而公忽告
變矣傷哉室孺人王氏矢志柏舟茹冰齧蘖苦節四十餘
年有同一日恪供舅姑辛勲訓子且時勗之曰爾父不天
爾母孀隻煢煢兩遺孤若不鞭力攻儒何緣丕振家聲乎

又何緣瞑爾父夜室之目乎卽胆丸荻字之風溘逾焉用
是伯子瑞陽公策志鉛槧緣數奇弗售就胄監繼列鴻臚
寺序班陟鳴贊隨堂 當宁嘉乃勗移 贈公爲登仕佐
郎 命宣慰山海頌 詔滇黔厠駕班有光典禮使皇
華無忝君靈歷任二十餘襮進秩左寺丞加正五品服俸
奉議大夫

勅贈公儒林郎孺人太安人叔子以宏稽積抱挾藻膠庠
稱一時文學丕基鑑錡人文彪棚子姓阜昌且未艾奇矣
哉北堂愨愨睽望之意不大慰乎公生于嘉靖二十六年
十二月十一日卒于萬曆十九年十二月十九日歷年所

四十有四孺人生于嘉靖二十九年十二月十八日卒于
崇禎六年六月二十日得春秋八十有四壽法合也生丈
夫子二長卽鴻臚公娶柴汝畏女繼娶張四賓女繼娶曹
蕃女俱 勅封安人次卽文學公娶張鳴世女繼娶偃邑
貢士王元功女又娶王國同女生一女適張一相卒孫男
四長鳳翰柴氏出娶庠生李澄女次鳳翮曹氏出聘庠生
謝廷獻女俱鴻臚公霽出鳳翮邑庠生王氏出娶偃邑庠
生武弘猷女次鳳翻王氏出聘偃邑廩監馮夢龍女孫女
一幼俱文學公新出玄孫男二長昭次環女二幼俱鳳翰
出今塋新兆合葬芝墟之北余與鴻臚公夙締金蘭之雅

會偵金石之言納諸幽無何爰爲之銘銘曰

生弗問顯晦其於樹庸孰佳伏而貽謀教忠耀彩螭庭際
弗問隆替其於酬功孰素布而黃焚佳城

紫誥芄芄女之丈夫玉潔冰瑩

龍章交映合葬幽宮馬鬣封隆萬禩後禎

崇禎六年十月十一日

不孝男霍景

霽

泣 鐫石

明重修福昌寺碑

正書今在縣東五十里福昌寺大殿西壁

碑高五尺五尺廣三尺一寸圓首題福昌禪寺六字二行碑上下斜裂文共二十二行行三十四字前二行題

款後五行
款字不等

鞏縣延長山福昌寺重修碑銘序

山東按察司副使張璉篆 巡按陝西監察御史石

玠撰 甲子貢士薛欽書

兩閒之器盛所物而不遺一道之化周乾坤而有餘乾之所覆坤之所載兩閒非相合而有際也道之所行區之所分境智非相離而有餘也語器也至大矣語道也非小哉是其處也而有 所是其境也而有福基誠道器有以幹旋之也是以山之秀麗水之環曲而必有其奇 可以立之工宇可以建之金田基之實固形之古俊而山必有其殊景可以營之精金可以構之禪室有異乎庸形之地也誠道器之所橐籥也福昌寺左有龍 右有虎山龍虎之

交逢前有印山後有長 之立見松柏蕃衍百卉爭顏

此寺在 地有五十里山名延長保名趙封乃芟上
之人閒古刹之勝地也肇於大唐創於大 千百年矣
迄于我

國朝正統元年有僧諱昌曉號東明順德府鴛水郡人也
自童稚以來不樂塵寰及乎 智 超羣送本府開元寺
出家禮禧亮爲師德業有進至少林參禮俱空長老發明
洞 之宗風偏處不逢玄中不失只得藏身處沒踪跡處
不藏身之道德昭著彌而不露從學者甚衆其徒僧官定
壽號松堂發軔於此幾二十年矣僧官盡心扶持同力相

濟於其大綱撮其要領稔知璽師有運用之才其德服人故督董之可璽道接東明字號無瑕汝州郟縣人也父名袁真母王氏投禮東明爲師尊其禪教授其心法儼然得宗師之要旨有修真見性之規模四方聞名人人敬仰於呼莫爲於前弗傳於後遂發虔心重修前後佛殿及天王殿伽藍殿祖師殿聖像鍾樓經營造作不越勾股積羣之法東西廊房廚舍禪室陸續建新寺已落成之後勒碑刻銘俾寺之基千古不磨施財之人福壽不窮始終之事使將來之人人有所知也乃爲銘曰

師號無瑕 少室單傳 發明五位 宥轉徧圓 師事

鞏縣志卷十八

金石三

八十三

經川圖書館刊

緣畢 寺落已成 龔石刻銘 紀事龜明

大明弘治十五年歲次壬戌捌月己酉十五日建立化主

祖喜助修

鞏縣知縣于寬 教諭顧忠 儒學生員劉純 王來回

劉麟 孟紹祖 鄧璠 鄧進 竇克明 竇克修 丁

川 薛鎰 韓勳 竇克昌 王壽昌

縣承劉深 訓導 范傑 僧會司僧會定壽 當代住持

主簿呂泰 楊桂 監寺祖智祖印 祖遇

典史任寶 御史竇祥 續懷 續泰 成海 佛來

佛惠

福昌寺前代住持可 都管

真諒首座祖能繼林

僧衆 祖 續 續才

悟惠 可來 宗惠

祖奉 續金 續聰 常秀

普安寺住持惠銑首座證遇

等慈雲寺住持悟明周

周來懿德寺住持 祖

祖澄 祖雄 續朗

明重修慈雲寺碑

今在縣治南
慈雲禪寺

碑高七尺三寸厚六寸七寸寬三尺四寸五分方首寬
同高三尺二寸厚七寸七分座寬四尺二寸活二尺三
寸高今出土一尺二寸字二十
四行行五十四字款識不等

重修慈雲禪寺碑記

慈雲禪寺距縣治東南青龍山中位坎向離由山口抵其
所四山旁圍一水中流峯巒聯亘澗溪潑洄林大掩映塵
氛迴隔時或天光獻瑞山色發奇龍吟雲擁虎嘯風隨蘭
香芝秀鶴舞狷啼斯則慈雲之大觀也自漢明帝永平七
年有摩騰竺法蘭至自天竺嘉茲勝槩始創為寺蓋與邽
鄠白馬寺相繼而建爰歷累代久鬱禎符迨我

明朝丕顯靈貺正統甲子有禪覺順號南宗者自蜀杯渡

而來妙契三乘之教冀消多劫之愆憇此名山敷是法海
會潭懷秋月居士發虔胥贊於是相形拓址飾材鳩工蓮
宮洞開紺殿對峙而慈雲寺之規制始宏矣嗣后祖敦道
科道增道悟道重輩相繼住持各協善衆耆老杜德仁暨
趙景春楊景等如干佛水陸伽藍祖師四殿鐘樓一座皆
前所有也則修葺之如金剛閻羅二殿官亭齋廚二座皆
前所無也則創建之樓臺峻聳殿宇莊嚴金碧霞耀頽堊
星輝本其形勝之雄兼之制度之美卽遠公之廬山達磨
之少林無踰此也故其中之爲僧亦多清秀雅操者焉時
住持興定偕道布道忍道珣興棟以余嘗玩遊於其閒屬

余爲記余辭弗獲已且以近世浮屠崇釋教而失真衆人
慕善名而忘實旣紀其事而復悉其意曰彼釋之爲教大
抵以明心見性爲宗旨始於發心成於妙覺三乘經緯萬
法總括而其戒定慧之說空假中之觀要其所歸無越一
實卽色卽空非心非佛此其教之所由盛也誠求之心則
可矣不則崇構修齋誦經續偈抑末矣斯之謂宗教而失
真故余言此以示諸其徒役衆之捐貲而樂施者以其善
惡皆報之說激之也遂雅重蓮臺翻貝葉之靈文泛苦海
之慈航將欲同登彼岸廣植福田者爾夫人之善惡皆起
於一心而禍福無不自己求之者誠反之心而善慶斯至

矣不則徒事興修之役抑何為哉斯之謂慕名而忘實故
余言此以示諸其衆雖然道一而已根於性情通之天地
萬物之大由於倫理極之彌綸參贊之功外此者皆所謂
自治其心而外天下國家者也知不以告告不以實則吾
豈敢哉若夫推闡聖明以救俗弊如昌黎之所論者又將
以俟諸其上

皇明嘉靖四十二年歲次癸亥陽月朔吉舉人德庵張拱
極譔書

儒學訓導范山

譚堯俞 李志公 李璣

儒學教諭侯旻

曹志賢 李一經 趙鳳桐 以孝

鞏縣志卷十八

金石三

八十六

經川圖書館刊

迪功郎縣丞李希龍

監生

趙守中 趙其端 趙志善 趙鳳桐 杜士桐

文林郎鞏縣知縣紀文偉

趙鳳梧 趙鳳桐 趙志善 趙鳳梧 李士桐

將仕郎主簿李吉

儒學訓導郭欽

典史劉相

致政 唐世臣 曹鏗 郅器 韓萬里 趙一魁

德信 王壽福 王壽增 趙一 蔡得時

耆老 柴馴 魏槐 王來儀 杜德仁 張朝紀

杜永康 馮榮 劉昂 張文舉 魏堂

李進

庠生 劉邦直 趙鳳來 張永亨 李一實 張宗輝

姚文漢 韓 歐 桑 由 竇 璣 孫儒業

柴尚文 張 顯 王自得 周繼商 趙從周

王 窟 常存畏 王言薦 趙登高 董仲才

馮重慶 張可久 孟錫祚 劉思顏

本寺僧祖雲 祖鑑 道布 道伸 道方 道忍 道增

道仲 道瑾 道宿 道鳳 道參 興品 興渠

興才 道寧 道凌 道珣 道禎 興來 興範

興陽 興全 興善 興檀 興盤 興棟 興典

興照 興輅 興在 興倉 興府 興富 興學

鞏縣志卷十八

金石三

八十七

經川圖書館刊

興年 興傲 興思 興遇 興選 興朝 興森

興壘 興貢 興穩 興迂 興奢 興 興登

興貴 興從 興敖 興利 興述 興釗 興普

興酌 興怙 興印 興完 興厚 興湛 興永

興訓 興慈 興秉 興亮 興凱 興論 興緒

興 興 隆勝 隆梅 隆昌 隆景 鈿

隆可 隆璇 隆具 隆虎 隆 隆頂 隆雙

隆洛 隆擎 隆居 隆管 隆繼 隆英 隆敬

隆瑞 隆變 隆池 隆忻 隆恆 隆林 隆女

隆演 隆王 隆益 隆和 隆岩 隆學 隆守

隆趣 隆趨 隆轉 隆恕 隆遙 隆河 隆珠

隆 隆彥 隆罕 隆肖 隆航 隆齋 隆常

隆收 隆亨 隆宰 隆昂 隆界 隆證 隆要

隆甲 隆禪 隆坤 隆堪 隆西 隆書 永結

永懷 永夏 永廷 永安 永光 永赦 永迪

永乾 永勤 永靜 永竺 永拜

住持僧興定 監寺 隆實 隆香 永霞 泥水匠

付廣 付景夏 石匠 蔡魁男蔡清刊

